


# TSELA YA MOPROFETA

## WA THEREŠO WA MODIMO

 Gobaneng, moso wo mobotse, bagwera. Ke moso wo mokaone, le nako ye botse go ba fa. Ke thabile go ba ke phela mosong wo, le go ba fa le phuthego gape. Go na le dilo tše dintši kudu di ka diregago ka nako ye kopana bjalo. Gomme ga re tsebe ke nako efe yeo re yago go biletšwa, go arabela, godimo go Kgorotsheko ye kgolo. Gomme re nyaka go ba re loketše nako efe kapa efe, gore re be le khutšo.

2 Gomme ke leboga kudu, bjalo ka ge ke boletše. Nnete, ke be ke le fa Lamorena bošego, gomme ke be ke bolela le batho. . . Ke rerile Lamorena bošego, gomme ke nyaka go leboga Ngwanešu Roberson, bohle lena bohle le leditšego, ka ga go ipshina ka Molaetša wola wa Lamorena bošego, “Re ne dilo tšohle.” Gomme kafao ke. . . Nako ye nngwe ga se ke nagane ke be ke eya go bolela, ke no tla tlase gomme ka lebelela Ngwanešu Neville. Mogolo wa gagwe—wa gagwe o mohuta boka matlere tlase fale. Ke naganne, “Ngwanešu wa go šokiša, ge ka kgonthe a ka mpitša bošegong bjo, ke ya go thuša, goba go dira se sengwe le se sengwe ke kgonago.” Ka gore, ke tseba se seo se lego, ge o lapile le go ba makgwakgwa, gomme o rerile thata mosong wola. Gomme kafao ke—ke boletše legatong la gagwe Lamorena bošego. Gomme kafao re—re. . . Ke a le leboga, kudukudu.

3 Bjale go na le dikgopelo tše dintši, ba re, bakeng sa thapelo. Gomme kafao a re nong go ba gopola, pele, dikgopelo tše tšohle. A re inamšeng dihlogo tša rena bjale.

4 Tatewešu wa Legodimong, go ngwadilwe gore re swanetše go tsena dikopanong tša Gago ka ditebogo godimo ga dipelo tša rena, go dira dikgopelo tša rena go tsebja ka dikopanong tša Bakgethwa. Gomme re ne tše dintši tša tšona, mosong wo, tše dintši kudu, gore ga re kgone re di bitše bjang go šedi ya Gago, eupša O a di tseba. Go ne tše dintši tšego go sego gwa bolelwa ka tšona. O a di tseba, le tšona. Kafao, re rapela ka dipelo tša rena tšohle, bjalo ka ge re dirile bošego bja Lamorena la go feta bakeng sa wa Kgaetšedi Shepherd, wa Ngwanešu Shepherd, ngwana. Fale ge ka go. . . Bowa morago, Moya wo Mokgethwa o rile, “Ga a ne polio. O tla ba gabotse.” A kgotsofalo re nago ge re ekwa go tšwa go Wena.

5 Bjale re a kgopela mosong wo gore O tla fa dikgopelo tše bakeng sa bolwetši, bakeng sa lapa le lahlegetšwego, bakeng sa baratwa, le tšohle tšego di boletšwego, Tate. Re rapela gore O tla gopola yo mongwe le yo mongwe. Gomme ke neela thapelo ya

ka, le thapelo ya batho ba, pele ga Gago; re kgobokane mmogo, gomme re rometše go Wena, ka Leina la Jesu Kriste. Re kwe, Tate, re a rapela. Amene.

<sup>6</sup> Ke nyaka go leboga yo mongwe le yo mongwe wa lena bohle bakeng sa dithapelo tša lena bakeng sa ka. Ge ke. . . Le a tseba ke bile le mothuthupo wo monnyane tlase go polaseng tlase fale. Gomme Sathane o lekile go mpolaya. Gomme—gomme, nnete, ga se a kgone go e dira. Huh-um. Aowa. Modimo o be a se a tšo a fetše ka nna. Kafao o no se kgone go e dira go fihla ge e fedile. Ge Modimo a feditše, gona ke komana. Eupša ke. . . Mogwera wa ka wa go loka, Ngwanešu Wood, tlase fale, e no ba dikgaogelo tša Modimo, goba a ka be a no hwetša go tloga fase *fa*, gomme e sego go tloga godimo *fa*. E be e ka ba mothuthupo wa ditone tše tlhano goba tše tshela bokgauswi *bjola* le sefahlego sa ka, ka mokgwa *wola*. Ga se nke ya nkgobatša le nthatana. Le a bona? E ngwapile sefahlego sa ka godimo gannyane. Kafao, seo, gabotse, sohle se tlogile bjale, ke feela sepatso se sennyane se setee se šetšego *fale*.

<sup>7</sup> Kafao, ke nyaka go leboga Ngwanešu le Kgaetšedi Dauch godimo *fa*. Ngwanešu Brown, le bona, bao ba kwešišitšego ka poledišano ya mogala gore ba kgobokantšhitše mmogo, sehlopha sa batho, gomme ba nthapelela. Gomme seo e no ba se sengwe, se dira se sengwe go wena. Le a tseba, o rapelela ba bangwe, le se sengwe le se sengwe, gomme gona ge o hwetša gore yo mongwe o a go rapelela ge o e hloka, seo se ra bontši ka moka. Gomme ke a tseba ba bantši ga se le letše, goba e ka ba eng, eupša le dirile feela go swana. Gomme go ra bontši ka moka go rena. Gomme ke lebaka leo gore ke. . . ga se o nkgobatše. Modimo o ntumeletše ke fole. Gomme kafao ke leboga kudu.

<sup>8</sup> Bjale, ke ne ditsebišo tsoko feela pele re gafela baisesa ba ba bannyane. Bjale, bošegong bjo, go na le tirelo mo tabarenekeleng. Gomme lena bohle le tlogo fa mo tabarenekeleng, etlang thwi go tirelo fa. Gomme kafao re. . . Ke ya go bolela legatong la Ngwanešu Ruddell, bošegong bjo, godimo fa go tselalephefo, yo mongwe wa banešu ba rena ba baeti. Gomme morago, ka pela ge ke se no bowa, ge nkaba le bošego bjo bongwe, ke nyaka go ya go Ngwanešu Junie Jackson. Morago ngwanešu yola ka Sellersburg, re mo kolota bošego godimo fale, gomme kafao re nyaka go rotoga go yo mmona. Gomme ngwanešu godimo ka Utica, go tlang go mašego a ge re ka kgona.

<sup>9</sup> Beke ye ke leba Green Bay, Wisconsin, bjalo ka ge le tseba, go khonferense ya selete ya Full Gospel Business Men.

<sup>10</sup> Lamorena la go latela, ke go sekolo sela se phagamego, sela godimo fale, seo ke bilego nako ya go feta fale. Ke lebetše leina la otitoriamo ya sekolo sela se phagamego. [Ngwanešu o re, “Mather.”—Mor.] Ke eng? [“Mather.”] Mather. Stephen Mather. Ya. Go lokile. Otitoriamo ya sekolo se se phagamego.

<sup>11</sup> Gomme morago, Mošupologo, ke ka khonferenseng godimo mola ke swerego therišano le kopanelo yela ya badiredi ka Chicago, nako ya go feta fale. Re ka go lefelo lela bakeng sa kopano ya taelano go Ngwanešu Joseph Boze, yo a yago Tanganyika. Tankanyika, ke a dumela o a e bitša. Le Kenya, le Durban, le go kgabola fale, go dira dipeakanyo bakeng sa dikopano tša ka tše di tlogo tša marega; le ka Afrika, le go kgabola Afrika Borwa. Gomme kagona re le kgopela go re gopola ka thapelong ka go dikopano tše. Morago re bowa morago.

<sup>12</sup> Gomme ga ke tsebe moo ke nago le nako go e hwetša, letšatši le lengwe ka tabarenekeleng, goba aowa, pele re eya nako yeo godimo go Carolina Leboa. Gomme morago, go tloga fao, go ya Carolina Borwa. Gomme morago tselo yohle godimo go ya Cow Palace ka Los Angeles, go South Gate. Gomme fale ke moo ke holofelago go ya le go bona Mna. Weatherby, yena yoo a dirilego raborolo yela šele e thuthupetšego ka gare.

<sup>13</sup> Ga se a be le lefelo la hlogo le tlogetše kudukudu, le go dumelela šele go kgorometša morago sebakeng sa go ya pele. E be e le raborolo ya kgale ke no e rometšego go yena. O bile le yona e boretswe ntle, gona, gomme e dirilwe ka go mohuta wa go fapana wa raborolo. Ke tsentšha šele ka gare, go e phagamišetša godimo go thunya, gomme yona, gabotse, e hlahlamolotše sethunya dijarata tše masometlhano go ntikologa, ka mkgwa *woo*, ya tologa ka seatleng sa ka. Molongwana o khwamogile go mathalo wa jarata tše masometlhano, pouto e boetše thwi morago ka morago ga kheitši, masometharo, dijarata tše masomenne ka morago ga ka, gomme dintshetlana tša dithuthupi di fofile le go kgetlola magapi go tloga go mehlare le se sengwe le se sengwe gape. Kafao yela e bile kgauswi *goo* le leihlo la ka, e ka no ba intšhi e tee, moo e thenkgologilego ka tsela yela. Gomme ge nkabe e rathagantše . . .

<sup>14</sup> Gomme sethunya sela se tla emela kgatelelo ya boima bja makgolo a masometshela senyane, sonamong, ntle le go rathagana. Kafao le ka eleletša ke bontši bjang bo bego bo le go sona, go dira sela. Gomme elelwang, ge e ka rathaganya sela, e ka be e rathagantše hlogo ya ka le magetla gape, le a bona. Eupša go bile le Morena a eme fale, yoo e bile a sego a e dumelela go nkgobatša, e no nngwapile go kgabaganya sefahlego. Gomme ntshetlana ye nnyane e ile ka tlase ka pono ya leihlo la ka, ya dira ntikodiko go dikologa pono, kafao ga se e kgwathe pono, moo ntshetlana e ilego. Ye nngwe ya ditshetlana tše kgolo yeo e tsemilego ka legateng e ile go dikologa leihlo, ga se e tsene ka leihlong, go le bjalo. Oo, nna!

<sup>15</sup> E se kgale, le a elelwa, ke le boditše O kopane le nna ka kamoreng, gomme o rile, “Se boife, ka gore Bogona bja go se palelwa bja Jesu Kriste bo nago go ya go ile.” Le a bona? Le a bona? Kafao seo se a e netefatša, gore O gona.

16 Ngaka yeo e lebeletšego leihlo la ka ka Louisville, o rile ba ngwaletše morago go Ngak. Sam Adair tlase fa, mogwera wa rena, gomme ba rile, “Selo se nnoši seo nka go se bolela, gore Morena o be a dutše fale mosong wola le mohlanka wa Gagwe go mo šireletša, goba ebile o be a ka se be le hlogo le magetla di šetše.” Kafao, O bile go loka go nna ka kgonthe, gomme ke leboga seo. Se ntlīša kgauswana gannyane. Ka mehla e dira phapano ye nnyane.

17 Gomme morago, matšatši a mabedi ka morago ga seo, matšatši a mararo, ka morago ga ge ke be ke eya pele go kopano ya ka, moo ke bego ke rulagantše ka Canada, monna, ntle le go tseba e ka ba eng ka se, o nteleditše morago, gomme a swanela go šuthiša kopano. Le a bona? Nkabe ke bile tseleng ntle fale, selo se se ka be se se sa direga ka mokgwa wola. Le a bona? Gomme kafao o leleditše morago, gomme ke swanetše go tšea kopano, kopano ya Canada. Gomme yeo e tla ba ka Julae, beke ya mafelelo ka Julae. Morago ke ya pele go Dawson Creek, morago go Anchorage, Alaska, ge Morena a rata.

18 Bjale, ga go le e tee ya dikopano tše ke nago le ditlhahlo tše itšego go ya, ga go le e tee. Eupša ga ke kgone go nagana go duleng fa selemo sohle, ke dutše tikologong fa, gomme batho ba ehwa mogohle. Ke swanetše go bjala Dipeu, mo e ka bago gona, ga go kgathale eng. Ge e sa hloge, ge dinonyana tša sebakabakeng di e tšea, e ka ba eng e lego, ke nyaka go bjala Dipeu, gobane O mphile tše dingwe go bjala. Kafao ke—ke ya go bjala Peu go le bjalo. Bjale, re na le nako fa yeo ke. . .

19 Batho ba bantši, se ba se bitšago, “go kolobetša” masea a mannyane ka go tumelo ya Sekriste. Gabotse, yeo e lokile, ge le dira seo. Ke taba ya lena. Nnete, ka kgonthe ga ba ba kolobetše. Ba no fafatša meetse godimo ga bona. Eupša, go nna, ke rata go dula le feela se Beibele e rilego dirang. Kagona, feela se Lentšu le se boletšego, ke se ke nyakago go se dira, feela e ka ba eng Le se boletšego. Gomme, bjale, ga—ga ke hwetše lefelo le itšego ka Beibeleng. . .

20 Ka go Testamente ya Kgale, ba tlišitše bana bakeng sa go bolotšwa nama, ba batona ba bannyane, gomme bomme ba neetše moneelo bakeng sa tlhwekišo, maeba a mabedi goba kwana.

21 Eupša, ka go Testamente ye Mpsha, lefelo le nnoši leo ke kgonago go hwetša segopotšo sa tirelo ye kgolo ye ya. . . E be e le go gafela. Ba tlišitše masea go Jesu, gomme O ba kuketše godimo ka matsogong a Gagwe le go ba šegofatša. Ke seo batswadi ba se dirilego ka letšatšing la Gagwe. Gomme bophelo bja Gagwe e bile mohlala wa se re swanetšego go se dira. Le a bona? Dilo tše O di dirile bakeng sa mohlala.

22 Bjale, re no tšea ba bannyane, gomme ba ba tliša go rena, gomme re no ba kukela godimo go Modimo, le go kgopela

ditšhegofatšo tša Modimo go bona, le go rapela thapelo ya go gafela go tšwa go mme le tate, go Modimo, ge ba neela ngwana wa bona. Gomme . . . goba go ba gafela mo Leineng la Jesu Kriste, go fihla ba godile go lekanela go ka kolobetšwa mo Leineng la Jesu Kriste. Gomme bjale, O rile, “E ka ba eng re e dirago ka lentšu goba modiro, e direng yohle mo Leineng la Jesu Kriste.” Kafao—kafao seo ke se re dumago go se dira.

<sup>23</sup> Gomme bjale, ge kgaetšedi a tla letša gannyane pina ye nnyane ye, kgaetšedi, re nago fa, *Ba Tlišeng Ka Gare*. Gomme bomme le botate bao ba nago le masea a mannyane a ao a sa nkago a ke a gafelwa go Morena, ge le ka ba tliša bjale, ge phuthego, re ba opelela gannyane bjale, sefela. Ya.

Ba tlišeng ka gare, ba tlišeng ka gare,  
Tlišang ba bannyane go Jesu.

<sup>24</sup> Ke rata baisa ba bannyane ba. Go ne se sengwe ka ga bona seo se lego bose kudu.

<sup>25</sup> Ke a thanka yo ke Montareana go felela. A ga se yena? Go lokile. Lapa la Montareana, ba se nene bao ba swanetšego go gafelwa. Kgaetšedi yo monnyane wa Montareana fa go tšwa, oo, go tšwa Chicago, o fa. O rile, “Le ke lapa la Montareana, mosong wo, eupša ga ke ye go rera.”

<sup>26</sup> Leina la gagwe ke mang? Jonathan David, a leina le lebotse! Bjale, Jonathan. O rile tatagwe o bile le—o bile le leina la Montareana, gomme o bile le . . . O nyaka lesea la gagwe le reelwa leina la Beibele.

<sup>27</sup> Le a tseba, go bile le Montareana yo mogolo ka Beibeleng, ka leina la Koronelio, nako ye nngwe, le a tseba. O bile le sehlopha, gomme o be a lokile, gomme o file dineo go batho, mola yena a le Montle, go le bjalo. Le tseba kanegelo. Gomme letšatši le lengwe Morongwa o tlile ntlong ya gagwe, o mmoditše go romela tlase go monna yo a tsebilego lenaneo la Modimo. Gomme yena . . . Le tseba kanegelo. Ge, o bile le batho bale mo tlhomphong ye bjalo ya Modimo! “Ge Petro a sa bolela Mantšu a, Moya wo Mokgethwa o wetše godimo ga bona.” Yeo ke nnete. Ke a rapela lesea le le tla ba mohuta wa go swana wa monna, leina la go swana.

<sup>28</sup> Jonathan, go botse! A nka mo tšea? Etle mo, Jonathan. Nna, a mokgobo wo monnyane wa swikiri bakeng sa lapa le!

A re inamišeng dihlogo tša rena.

<sup>29</sup> Tatewešu wa Legodimong, mengwaga e fetile, bjalo ka kanegelo yeo ke sa tšwago go e tsopola, ya monna yo mogolo a bitšwago Koronelio, yo a bego a le monna yo mokaone, wa go loka, a lefela dimpho le go rata Modimo. Gomme Morongwa wa Modimo o tlile ngwakong wa monna yola. O Modimo, re a Go fa, mosong wo, Jonathan David yo monnyane. Ke a rapela, Tate wa Legodimong, gore bjalo ka ge ke mo tšere go tšwa matsogong

a mmagwe le tatagwe, ba ba mo neelago go Wena . . . Ke neela thapelo ye ya go gafela ga bophelo bja ngwana yo bakeng sa bophelo bja tirelo go Wena, tšhegofatšo go lapa, letlapa le legolo la go namelela go Kereke. E fe, Tate. Ke neela go Wena Jonathan David yo monnyane, ka Leina la Jesu Kriste. Amene.

<sup>30</sup> Modimo a le fe mogau wa Gagwe le go le thuša go mo godiša mo kgodišong ya Modimo.

Šegofala, Jonathan David.

<sup>31</sup> Bjale, yo yo mongwe, nna, ke yo monnyane kudu, goba ke mosadi? Monna? Nna, moreri yo mongwe a etla go bapa, ke a holofela. Leina ke mang? Micah. Micah. Ke bolela ka yena mosong wo. Micah Edward. Edward, leo ke leina le lekaone. Bjale, mosadimogatša wa ka a ka dira se bontši bokaone ge go etla go mo gokareleng, gobane ka mehla ke boifa ke tla ba roba ge ba le ba bannyane. Le a bona? A selo se sebose se sennyane, ona mahlo a mannyane a no lebelela go dikologa. Ke yo monnyane kudu. Ke yo mokaakang bogolo? Bogolo bja kgwedi e tee.

A re inamišeng dihlogo tša rena.

<sup>32</sup> Tate wa Legodimong, baratani ba baswa ba gape ba sepelela godimo fa go neela go Wena dipelo tša kopanelo ya bophelo O ba filego, go godiša mo kgodišong ya Modimo. Šegofatša Micah yo monnyane yo. Modimo, ke a rapela gore O tla mo dira monna boka Mika ka Beibeleng. E fe, Tate. Efa go yena ditšhegofatšo tša Modimo. Šegofatša tatagwe le mmagwe, le go mo dira tšhušumetšo fa mo lefaseng, letlapa la go namelela le legolo bakeng sa morero wa Kriste. Gomme bjale, re kwe, Tate, ke neela go Wena, go tšwa matsogong a tate le mme, go ya matsogong a Modimo, Micah Edward yo monnyane, ka Leina la Jesu Kriste. Amene.

<sup>33</sup> A nke Morena a mo šegofatše, a le šegofatše, tate le mme, go mo godiša kgodišong ya Modimo.

Ke dumela yeo ke yona. [Ga go selo go theipi—Mor.]

<sup>34</sup> Oo, ke no rata bona baisa ba bannyane, feela yo mongwe le yo mongwe. Gore, yo mongwe le yo mongwe, ke lesea le lebotsebotse ka lefaseng. Go no se be le tlhoko . . . Ge ke tlišitše Joseph yo monnyane gae, e bile, ka go botega, moisa wa go befabefi nkilego ka ke ka mmona, eupša mmagwe le nna re naganne o be a le mpopi. Eupša yeo ke tsela ye go lego, le a tseba. Yeo ke . . . Re no naganana ka seo.

<sup>35</sup> Ke a makala, mosong wo, ba bangwe ba maloko a rena fa. Go bile le mo—mo . . . Bjale, leihlo le le na le selabi ka go lona, seo se širago o šoro. Eupša Kgaetšedi Nash . . . O botlišitše ka ga Ngwanešu Nash; ke a makala ge e ba o bile gabotse. Na . . . A ba fa? Oo, gabotse, ee, o fa. A go tumišwe Morena, Ngwanešu Nash. Seo, seo se lokile.

36 Bjale, Kgaetšedi Edwards, a o gona? Ba . . . Goba, Kgaetšedi Shepherd, yoo a bilego le yo monnyane, mosetsana wa go babja, o gabotse gonabjale? Kaone. Ke hweditše ditaba, gomme selo se be se no ba e ka ba metsotso ye mehlano go fihla ke bile le batho, ka ntle ga toropo, bakeng sa polelotherišano. Ke kitimetše ka kamoreng le go rapela, gomme ba rile ngwana o be a swara polio, matsogo le maoto a be a thatafala. Gomme ke kitimetše ka gare go rapela, gomme ke rile, “Ke tla tla ka morago ga kereke.” Ke boditše Joyce go leletša morago le go botša mohumagadi ke be ke tla ba kua ka morago ga kereke; ge eba o nnyakile, go nteletša. Gomme ge ke ile ka gare go rapela, Moya o rile—o rile, “Ga go polio. O tla ba gabotse.” Ke tla tlase, gabotse, bohle re bile le thapelo fa mo kerekeng. Seo se no e ruma.

37 [Kgaetšedi o re, “Ngwanešu Branham?”—Mor.] Ee, mam. [“Re ile ngakeng ka Mošupologo, ka morago ga ge o mo rapeletše lekga la mathomo, gomme lerere ka moka mo sefegeng sa gagwe le tlošitšwe, le tlogile go tloga mogolong wa gagwe.”] Tumišang Morena! Thapelo e fetola dilo.

E re, ga a gona fa, mosong wo, a o gona, mokgonyana? Ya.

38 Lamorena la go feta, nako ya mafelelo ke rerilego fa, Lamorena beke, go bile le moisa yo moswa a dutše fa; ke ile pele ke mo lebeletše. Ke naganne, “Ke swanetše go tseba mothaka yola.” Gomme gwa tla go hwetša, e be e le morwa wa mogwera wa ka wa sekolo, Jim Poole. Gobaneng, re godile mmogo, go tloga go bašemane ba bannyane, godimo. Ke yena yoo ke bilego le kotsi ya šotekane le yena, nako yela, gomme morago ka moragorago o bile le e tee yenamong, gomme mogwera wa ka. Ke tshepa gore nka hlahlela mošemane yola go Kriste. Ke lekile papagwe thata kudu. Ke a dumela ke tla dira, efela, ke tla mo tliša ka gare. Ke a holofela nka hlhla moisa yola yo moswa. O bile le . . . Ke lebeletše go dikologa go yona. O bonagetše eke o bile le wo mokaone, seo ke se bitšago bjale (le se dire tshwayo ye go e ka ba mang gape), eupša, go roromela ga moya wa gagwe, maikutlo a mabotse. Ke a dumela go ka se tšee bontši kudu go hlahlela mošemane yola go Kriste. Kafao a re mo rapedišeng. Yeo ke nnete.

39 Gomme, ngwanešu, o a bona, yo mongwe gape o be a babja, goba se sengwe, seo ke lekago go nagana ka sona.

40 Golebjalo, re rapelela bohle. Gomme ge dinako tše dingwe . . . Ge o romela kgopelo, elelwa, ka pejana ge ke e hwetša . . . Mosadimogatša wa ka o ka moagong felotsoko, ke a nagana, kafao o a tseba. Ka pejana ge ke hwetša kgopelo, thwi ka go otlologa ke ya ka kamoreng ya go khutša, ke ya go rapela, le go dula fale go fihla ke ekwa se sengwe. Ke no se ineele.

41 Letšatši le lengwe, ge Sam, Ngak. Sam, o tomotše selo sela go tšwa leihlong la ka, o be a leka go dira, gomme go mo kwešitše

bohloko kudu, o ile a swanela go bea toulo godimo ga sefahlego sa ka. O rile, "Ga ke kgone go bona madi a mogwera wa ka." O rile. . . Gomme ke be ke inetšwe ka go ona, le a tseba. O rile—o rile, "Ke no se kgone go dira sela le go šoma go sona." Le a bona? Gomme kafao o gogetše seo ka ntle. Gomme letšatši la go latela o be a le ka sepetlele. Kafao ke mo rapeletše, gomme o tšwile gabotse.

<sup>42</sup> Gomme ka gona letšatši la bobedi, mosadimogatša wa gagwe, ebile ga se ba tseba se se bego se fošagetše ka yena, ba naganne o be a tšea polio. Le a bona? O rile, gomme o rile. . . Gomme ka mo rapelela, gomme bjale o gae gabotse. Kafao re tsene ka kamoreng, Ngak. . . Re tsene ka ofising, gomme o. . . Re gogile lebati mmogo, o rile, "Bjale, Ngwanešu Bill, ke ya go go botšiša se sengwe." O rile, "A o ka rapelela nna le Betty?"

Ke rile, "A re dire. A re rapele."

<sup>43</sup> Kafao, ke yena yoo Morena a bontšhitšego pono, moo go tla agwago kliniki. Lena, le gopola kanegelo. Ge le ka tsoge la e belaela, fetang kgauswi le mmošiše nako ye nngwe. Ya, feela o rile, "Nno dumelelang e ka ba mang a tsene." O rile, "Ke e boletše go dikete tše lesome tša batho."

<sup>44</sup> [Ngwanešu o re, "Ngwanešu Branham?"—Mor.] Ee, ngwanešu. ["Bakeng sa bale fa mosong wo le go bea tumelo ye ntši ka go dipelo tša ba bangwe: mosong wa Lamorena la Paseka, o biditye soulo ye bohlokwa fa, wa boraro, e bego e le monna. O rile o be a etšwa Seymour. Gomme o rile, ka tlotšo ya Moya wo Mokgethwa, 'Ba go bitša, "Bill.'" Ke tseba monna. Ke mo tseba gabotse. Gomme ka morago ga ge re tlogile fa, leina la gagwe ke Isaac. Ba mmitša 'Bill.'"] Ee, mohlomphegi. Le a bona?

<sup>45</sup> Leina la gagwe la kgonthe ke Isaac. [Ngwanešu o re, "Yeo ke nnete."—Mor.] Eupša ba mmitša Bill. ["Yeo ke nnete."]

<sup>46</sup> Moya wo Mokgethwa ga o dire phošo. Ke wa go se palelwe. Bjale, yo, yo mongwe o be a bolela, o rile. . . Ke—ke masometlhano tharo, gomme masometh-. . . e ka ba masometharo tee a mengwaga, ke be ke le ka morago ga phuluphithi, gomme ke Mmone ka go dilo tše masome a dikete.

<sup>47</sup> Maabane, ke be ke le tlase, tlasetlase, borwa bja Kentucky, thwi go mollwane wa Tennessee, gomme ke be ke dutše ka seketswaneng le Ngwanešu Daulton, yo Morena a mo filego bana ba gagwe bohle. Le elelwa mosong fa, ge a thomiša. Gomme o rile, "Ngwanešu Branham," o rile, "ke a thanka go tla ba thata go wena go akanya."

<sup>48</sup> Ke rile, "Oo, Ngwanešu Daulton, masome a dikete atiša ka masome a dikete a dilo boka tšeo."

O rile, "Gobaneng o sa leke go ngwala puku" (Ke rile. . .) "ya yona?"



49 Ke rile, “Oo, nna, Ngwanešu Daulton, go tla—go tla ya go kgabaganya seketswana se fa, ensaeklopedia, feela dibolumo tša dipuku tša tše ke bonego Morena a di dira. Gomme ga go nako e tee A kilego a ke a palelwa, o a bona, ga go nako e tee; eupša, go phethagala nako ye nngwe le ye nngwe.”

50 Ke a bona, ke a dumela bjale, ge ke sa foše, mosetsana wa Ngwanešu Shepherd, a apere roko ya mohuta wa go bogega namune. Ke nagana seo. Ke eme hleng le yena, mosong wo mongwe. O be a sepelela tlase, gomme ke naganne nka no ba le mosetsana wa phošo go mo nametša, kafao ke sepetše. Kafao yola e be e le nna a bego a eme, kgaetšedi. Ke—ke naganne e be e le mosetsana wa Ngwanešu Shepherd, gomme ke tla mo nametša, gobane ke naganne mohlomongwe koloi ya gagwe e ka be e senyegile goba se sengwe. Re be re eya, go tšea Becky. Gomme ke—ke naganne e ka no ba mosetsana wa phošo. Eupša bjale ke mmone a dutše le bona fale, kafao ke—ke a dumela e be e le mosetsana wa nnete. Kafao yola e be e le nna yola a arogetšego ntle fale gomme morago a sepela.

51 Kafao, yo mongwe le yo mongwe o rata Morena Jesu? Oo, go a makatša! Yeo e no ba kaone le go loka. Amene.

52 [Ngwanešu Neville o re, “Ngwanešu Willard o sa tšo tsena.”—Mor.] Gabotse, Ngwanešu Willard, re no thabela go ba le wena ka gare. Gomme o bonala botse gabotse, gape, bokaonekaone bjo ke kgonago go go bona. Bobedi re bile mokgwa wa go šilagana, go dikologa sefahlego. Ke bonagetše eke ke bethilwe ka lehupa la yona. Gomme ke bone Ngwanešu Willard bošegong bjoo, ge a be a robetše, gomme ka therešo botse, o bonagetše go šiiša. Eupša o bonagala gabotse gampe mosong wo. Gomme re neela ditebogo le tumišo go Modimo bakeng sa yona, ngwanešu. Amene. Ee. Le a tseba, diabolo a ka se re bolae go fihla Modimo a re, “Etlang pele.” Gona re nyaka go ya, a ga re, Ngwanešu Willard? Yeo ke nnete. Go fihlela nako yeo o no leka ga lefeela. Ke phetho. Morena Jesu ke thušo ya rena le setšhabelo sa rena.

53 Bjale fa ke bolela go bapa fa, ge ke no ba le diiri tše tshela go rera mosong wo. Le a bona? Feela . . . Bjale, ga se nke ra ke ra lemoša, ga se re romele ntle dithekethe, le dilo, gobane šetše ke tsebišitše nka se be gona. Eupša, go no tla tlase le go thuša Ngwanešu Neville, le go tla go le bona bohle gape, le go ba le nako ye nnyane ya kopanelo.

54 Gomme Lamorena la go feta bošego, Ngwanešu Roy Roberson, ga ke tsebe ge a le gona, goba aowa. Ga ke kgone go dira ntle go bona gore o gona. O nteleditše, o be a mpotša ka ga Molaetša.

55 Gomme yo mongwe o leditše, o rile, “Ke be ke makala ge o be o bolela ka ga ‘Modimo o re file dilo tšohle.’” Le a bona? O dirile. O re file bophelo. Leka go bo reka. O re file lerato. Leka go le

reka. O re file thabo. Leka go e reka. O re file khutšo. Leka go e reka. Ga go tsela ya go e reka. O ka se kgone go e reka.

Morago ke rile, “O re file lehu.”

Yo mongwe o leditše, o rile, “Moreri, ke maketše ge eba o sepedišana le seo.” O rile, “Ke naganne, ‘Uh-oo, mo Ngwanešu Branham o ikgokile yenamong nako yela.’” E sego ge Beibele e boletše bjalo. Le a bona? Beibele e re O re file lehu.

<sup>56</sup> Bjale, ke eng re ka e dirago ka lehu? Le a tseba, Paulo a etla lehung, o rile, “O lehu, lebolela la gago le kae?” Lehu ga le re laole. Re a le laola. Nnete. Re filwe dilo tšohle.

<sup>57</sup> Gomme gona ke fa seswantšho sa kafao Israele, mo mmatšheng go ya nageng ya tshepišo, ga se nke ba ke ba bona naga yela. Ga se ba tseba selo ka yona. Ba no bile le tshepišo ya Modimo, go be go ne naga, gomme e be e tletše ka maswi le mamapo, le ya go loka, le—le lefelo le legolo. Gomme e be e le . . . Ga se nke ba ke ba e bona. Go se motho a kilego a ke a ba kua, a tsebilego e ka ba eng ka yona. Eupša ba be ba bile le tshepišo ya yona. Gomme ka tumelo ba be ba diiletše ka leganateng.

<sup>58</sup> Gomme ge ba etla thwi go mothalo wa mollwane, ba bile le mohlabani fale ka leina la *Joshua*, le rago, “Jehofa Mophološi.” Kafao o tshetše godimo Jorodane, ka go naga ya tshepišo, gomme a boa morago le bohlatse gore naga e be e le gona. Ke rata seo. Gomme e be e le naga ye botse. Banna ba babedi ba rwele mokgotho wa diterebe. E be e le naga ye botse, kafao o boile le bohlatse gore naga yeo ba bego ba ile go e tšea e be e le gona.

<sup>59</sup> Bjale, go Kereke, re leetong go ya go Naga ya go se hwe, Naga moo go se nago lehu, Naga moo bahu ba tsogilego. Gomme re bile le Mophološi yo mogolo ka kampeng ya rena. *Jesu* go ra “Jehofa Mophološi,” Moratwa. Gomme O tshetše Jorodane ya lehu, mošola ka go Naga ye nngwe, le go boa morago, gomme o boile le bohlatse gore re a phela ka morago ga lehu. Amene. Kafao lehu le go kae?

<sup>60</sup> Gomme gona O re file dilo tšohle. “Bjale re ne tiišetšo ya bohwa bja rena. Kudukudu. . .” Bjale theetšang kgauswi. Gomme ga ke rere ka thuto yeo, eupša go no kwagala gabotse go nna gonabjale. Le a bona? Gore, re ne tiišetšo ya sela. Ka gore, letšatši le lengwe re sepetše sebeng; gomme ka morago ga go kolobetšwa mo Leineng la Gagwe, le go tsošwa le Yena ka tsogong, re ntšheditšwe ntle go tšwa sebeng, go se tsoge le neng re nyaka go boela morago gape. Le a bona? Re tsošitšwe go tšwa sebeng, ka bohlatse bjo re nago. Ka kgonagalo re ka go tsogo go tloga lehung lohle. Le a bona? Ge re kgonne go tsoga go tšwa sebeng, ka tumelo go Yena; gomme go ne sebe, ke mang a ka nyakago go boela morago go dikotikoti tša ditšhila tša sebe gape? Le a bona? Re fetile go tloga lehung go ya Bophelong. Le a bona? Gomme yeo ke tiišetšo. Amene. Yeo ke tiišetšo ya tsogo ye

e feletšego. Lehu lohle, nameng le semoyeng, šetše re fentše lehu la semoya, gobane re fetile go tloga lehung go ya Bophelong.

<sup>61</sup> Gomme boka Eliya a ile tlase Jorodane letšatši le lengwe, gomme a e ratha, le Elisa, gomme ya arogana, gomme o tsheletše mošola. O boile morago le karolo ya go menagana gabedi.

<sup>62</sup> Gomme ge re ratha Jorodane, le Kriste, re swere karolo e tee, eupša ge re bowa, re tla le dikarolo tše pedi. Re na le Bophelo bjo Bosafelego, tsogo go tšwa sebeng, bjale, ka go toko ka Moya wo Mokgethwa. Gomme morago go boweng, le Kriste, re bowa morago le bobedi tsogo ya nama, gomme re šetše re hweditše tsogo ya semoya. Re ne karolo ya go menagana gabedi ya yona. Ka mehla sekai sa Kriste le Kereke: Elisa le Eliya.

<sup>63</sup> Oo, ga ke nyake go thoma ka yeo. Nna, nna, nna, re ka se tsoge ra ya pele go Molaetša wo wa diiri tše tshela fa. [Ngwanešu Neville o re, “Nama mo lerapong, go le bjalo.”—Mor.] Ee. Nna! “Nama mo lerapong,” Ngwanešu Neville. Re sa e hlhuna. Oo, a ga se la thakgala? [Phuthego e re, “Amene.”] Le a bona? Ga re ne . . .

<sup>64</sup> Ga go sa na go tshwenya gape. Lehu ga se selo. Re le swere. Ke la rena. Le ka se kgone go ntaola. Ke a le laola. Bjang? Ka Yena Yo a ntirilego mofenyi, ka gobane šetše ke fentše lehu. Ke e dirile bjang? Ka go dumela go Yena. Le a bona? Lehu le ka go sebe, gosedumele. Ga se nna mosedumele. Ke nna modumedi. Ke tsogile go tloga go selo sela, ke tsogile. Ke tiišetšo ya go felela gohle ga ka ga nama, tsogo ya semoya, se sengwe le se sengwe. Ee, mohlomphegi. Le a e swara? [Phuthego e re, “Amene.”—Mor.] Kafao re ne lehu ka tlase ga taolo ya rena, ka Jesu Kriste Yo a fentšego lehu, hele, lebitla, bolwetši, manyami, se sengwe le se sengwe gape, o fentše godimo ga tšohle.

<sup>65</sup> Gomme bjale re tsogile le Yena, re dutše mafelong a Legodimong, go bolela ka semoya, ka go Kriste Jesu, le dilo tšohle ka tlase ga dinao tša rena. Le yona tsogo ya nama e ka tlase ga dinao tša rena, gobane re ka go Kriste. A—a le a e swara? Ge le dira, phagamišang diatla tša lena. [Phuthego e re, “Amene.”—Mor.] Amene. Yeo e lokile. Ge feela le e swara, go kaone. Le a bona? Le se dumelele. . . Bjale no tšwelangpele le e bolokile ka menaganong ya lena. Le a bona? “Re fetile go tšwa lehung go ya Bophelong,” nameng, semoyeng, tsela ye nngwe le ye nngwe.

<sup>66</sup> Gomme se sengwe le se sengwe, le dilo tšohle, ke tša rena bjale. Gobaneng, lefase ntle fa le re re a gafa, gomme efela lefase ka moka ke la rena. Le ya go ba lefa la lena bjang?

<sup>67</sup> Ge, bjalo ka ge ke boletše, Abraham, le a bona, o be a le ka nageng ya tšhepišo; Modimo o mo file yona. Loto o be a tšerwe ke mathogošwahla a mangwe a magwaragwara, ba mo thopile. Yola o be a le motlogolo wa gagwe. Go lokile. Se sengwe le se sengwe se bego se le ka nageng e be e le sa Abraham. Kafao, o

be a se mohlabani. Ga se nke a ke a lwa. O be a se ne bahlabani ba itšego le yena. O be a ne bahlanka ba rilego. Eupša ge a bone gore se sengwe, diabolo, o be a tlile le go mo utswetša se sengwe seo e bego e le tshepišo go yena, o hlamilé bahlanka ba gagwe gomme a tšea sebetša yenamong. O be a sa tsebe ka fao a bego a eya go fenyá sekgoboko se ka moka sa dikgoši. Feela bahlanka ba se nene, eupša Modimo o mmoditše a e dire bjang. O ikarogantše yenamong, gomme o gagarile dikgoši, gomme a bowa morago a fentše. Gobaneng? O beile tumelo ya gagwe godimo ga tshepišo ya Modimo gore se sengwe le se sengwe ka nageng yela e be e le sa gagwe, gomme Loto o be a le karolo ya yona, ke nnete, o be a le karolo ya naga. Oo, nna!

<sup>68</sup> Gomme fale o kopane le Melekitsedeke, ka morago ga ge ntwa e fedile. A le kgona go no bona Abrahama a rotoga tseleng? O be a sa tsebe o be a le mohlabani, eupša o tsebile o be a le yena nako yeo. Ee, mohlomphegi. Gomme o kopane le Yena Yo a filego tshepišo, Melekitsedeke.

<sup>69</sup> Bjale anke re bale go tšwa go Puku ya Amose. Ke ya go bolela mosong wo; e sego diiri tše tshela, go le bjalo. Ga ke holofele bjalo. Le a bona? Go—go thuto, yeo, *Tsela Ya Moprofeta Wa Therešo*. Gomme bošegong bjo, Morena ge a rata, ke ya go bolela ka, *Go Tloša Kgatelelo*, gomme kafao mo—mo Morena ge a rata.

<sup>70</sup> Bjale, ke tsebalega go ba moswaswalatši, eupša ga—ga—ga ke swaswalatše, feela e ka ba eng yeo e lego phošo. Eupša nna, rena, re swanetše go swaswalatša phošo.

<sup>71</sup> Bjale, ge eba le ya go bulela digatišamantšu tša lena bjale, ka kamoreng, gobaneng, go lokile. Ke nyaka go bala bjale go tšwa go Amose, tema ya 3. Goba te . . . Ee. Tema ya 3 ya Amose, feela karolo ya yona, Amose 3:

*Kwang lentšu leo MORENA a le boletšego kgahlanong le lena, O bana ba Israele, kgahlanong le moloko ka moka wo Ke o tlišitšego go tšwa nagang ya Egepetá, ke re,*

*Ke lena le nnoši Ke le tsebilego go malapa ohle a lefase: kagona Ke tla le otlá bakeng sa . . . bokgopo bja lena.*

*A babedi ba ka sepela mmogo, ntle le ge ba kwane?*

*Afa tau e ka rora ka sekgweng, ge e se ya bolaya selo? afa tawana e ka bopa go tšwa go serobeng sa yona, ge e se ya swara selo?*

*A nonyana e ka wela molabeng godimo ga lefase, moo go se nago moreo? a yo mongwe a ka tloša molaba go tloga lefaseng, gomme o se wa swara selo le gatee?*

*Na phalafala e ka letšwa ka go toropokgolo, gomme batho ba se boife? na go tla ba le bobe ka go toropokgolo, gomme MORENA a se a bo dira?*

*Nnete Morena . . . a ka se dire selo, eupša o utolla diphiri tša gagwe go baprofeta bahlanka ba gagwe.*

*Tau e rorile, ke mang a ka se boifego? Morena MODIMO  
o boletše, ke mang eupša a ka go profeta?*

<sup>72</sup> Mahlo a gagwe a swanetše go be a sesefetše, ge a be a eme mosong wola mo thabeng feela mošola wa toropokgolo ya Samaria. Ke kgona go bona diatla tša gagwe tša go tia ge di sepela go kgabola ditedu tša gagwe tše dipududu. Letsatši la go fiša le be le hlabetše fase. O be a se matsaka kudu go mo lebelela. O fapana bjang le baebangedi ba sebjalebjae ba lehono! Diaparo tša gagwe di be di le mankgeretla; ditedu tša go bogega mahlafarara. Gomme o lebeletše tlase godimo ga toropokgolo yela ya Samaria, mahlo a gagwe a sesefala ge a lebelela. O be a se bontši go bogega, eupša o be a swere GO RIALO MORENA bakeng sa setšhaba sela.

<sup>73</sup> Go bile, mohlomongwe, go fapana go gontši kudu bakeng sa lesolo le le tlogo le, leo Morena a bego a mo rometše Samaria, go feta se baebangedi ba rena ba sebjalebjae ba ka bago. O be a se a hlamišwa bakeng sa tšošetšo, bjalo ka ge re ka nagana o swanetše go ba lehono. Eupša elelwang, o be a se moebangedi wa sebjalebjae. O be a le moprofeta. Ga se a kgathale ka ga ditlabelo tša sebjalebjae. O be a swere GO RIALO MORENA.

<sup>74</sup> O be a sa kgathale ka fao a bego a lebelelega, le bontši bja fešene ka fao a bego a apere go swana, ge eba moriri mo gagwe o be o kamilwe gabotse, goba ge eba e ka ba mang o mo lebeletše goba aowa. O be a swere Lentšu la Morena. Ao e be e le maikemišetšo a gagwe a go tlala: go tliša Lentšu lela la Morena. Moisa yo e be e le mang? Ee. E be e le Amose, moprofeta, motho wa makgwakgwa, eupša o tsebile moo a bego a eme. O tsebile se a bego a se dira. O be a le moprofeta wa therešo wa Lentšu. Gomme lebaka le a tlilego go toropokgolo ye, e be e le ka gobane Lentšu le tlile go yena.

<sup>75</sup> Gomme ge Lentšu la Morena le etla go mohlanka wa therešo, o swanetše go ya, go sa šetšwe maemo, goba go sa šetšwe mabothata. O swanetše a ye, ka tsela mang. Ge eba o itokišitše, ge eba o ikwela boka yona, ge eba o a nyaka, ge eba e ka ba eng gape; o swanetše go ya, go le bjalo. Ke Modimo a bolelago, gomme o swanetše go rwala Molaetša wo. Ka gobane, ke . . . Ga nke a yela botlaela. Ga nke a yela tšhelete. Ga nke a yela botsebalegi. O ya feela ka Leina la Morena, bakeng sa selo se setee. O ne mo—mo morero, gomme o ronngwe ke Morena. Gomme ke yena Lentšu la Modimo, ka gobane o rwele Lentšu la Morena. Yoo ke moprofeta wa therešo wa Morena.

Sehlogo sa ka ke: *Tsela Ya Moprofeta Wa Therešo Wa Modimo.*

<sup>76</sup> Yo mogolo yo, monna wa go se boife wa Modimo o profetile mo matsatšing a Jerobeama wa bobedi. Ke ne karolo ya histori ya gagwe e ngwadilwe fa pele ga ka. O profetile e ka ba mengwaga ye lesometharo ya lesolo la gagwe. Gomme Jerobeama o bile,

Jerobeama wa bobedi, o be a no ba monna wa setswerere le go kgona bjalo ka ge Israele e ile ya ba sebakeng sa nako ye itšego. Ke monna yo a tlišitšego katlego go Israele. Israele e be e le mokhorong. Eupša, yena, be go le se sengwe sa phošo ka yena. O be a le morapedi wa medimo.

<sup>77</sup> Gomme ke mokgwa wa go bala se, letšatši le lengwe, ke mokgwa wa go nagana sela botse se be se swanetšana le lehono. Ga go tshwenyega ka fao monna a lego setswerere, le ka fao bontši a ka dirago, le bontši bja katlego gakaakang, ge a eya kgole le Modimo, yena ke tšhitelo go setšhaba, kgole le Modimo le Lentšu la Gagwe. Ke a makala ge eba ga ya re swanela, lehono, go yo mongwe yo a ratago go dula go thelebišene le go bontšha ka fao ba lego ditswerere, ke mabjoko a mantši bjang ba nago. Eupša ke a makala ge eba ba ne go lekanela go tšea GO RIALO MORENA. O be a le monna wa setswerere, go lokile.

<sup>78</sup> Israele e be e le seemong sa bokgelogi. Bareri ba gagwe, baprista ba gagwe, le gape mmušo wa gagwe, bohle ba be ba tlogetše Lentšu la Morena. Bjale, ga se ba dumele seo. Ba dumetše gore ba be ba ne Lentšu la Morena. “Eupša go ne tsela ye e bonalago e le ya nnete go motho, eupša mafelelo a yona ke tsela ya lehu.” Gobaneng ba be ba le phošo? Gobaneng motho a ka dumela gore—gore—gore ba be ba le phošo? Boprista ka moka bja banna, diketekete tša bareri le baprista, le dikgoši le babušiši, bohle bao ba ipoletšego go ba barapedi ba Modimo, gomme, efela, bohle ba bona ba be ba le phošo.

<sup>79</sup> Gona, ba be ba sa hloke kgoši bakeng sa katlego. Se ba se hlokilego e be e le moprofeta, ka gobane Lentšu la Morena, goba tlhathollo ya Lentšu la Morena, e tla go moprofeta wa therešo. Dinako tše dingwe le kgona go bona se tsela ya gagwe e lego nako yeo. Botse ke tsela ya makgwakgwa, ge bohle baprista, le bareri bohle, le—le—le didupe tšohle, le—le mmušo wonamong kgahlanong le yena. Eupša, efela, Lentšu la Morena le tla go moprofeta, gomme yoo a nnoši. O ne tokelo go Lentšu. Le ge a bile le Beibele ya go swana ba bilego le yona, eupša Lentšu le be le le go yena. Modimo o be a hlatsela gore o bile le Lentšu.

<sup>80</sup> Ba bile le meago ye megologolo le ditshepedišo tša bodumedi, le go ya pele, tšeo ba kilego ba ke ba ba le tšona, dialetara di agilwe mogohle, le—le mehuta yohle ya—ya dilo, eupša efela ba be ba le dimaele tše milione go tloga go Lentšu la Modimo.

<sup>81</sup> Ke a nagana, nnamong, seswantšho se ka swanela lehono gabotse kudu, bjalo ka ge ke badile Puku ya Amose. Le e bale ge le eya gae. Mmušo ohle, baprista, bohle ba bona ba be ba tlogetše Lentšu la Modimo.

<sup>82</sup> Ke tla no rata go bala karolo ye nngwe ya Lengwalo fa, ke e swere, go bontšha moo ba bego ba e dirile. Bjale a re baleng tema ya 2 gomme temana ya 4, feela motsotso.

*Go rialo MORENA; Bakeng sa dikarogo tše tharo tša Juda, le bakeng sa tše nne, Nka se gomiše kotlo ya gona; ka gobane ba nyaditše molao wa MORENA, . . .*

<sup>83</sup> Leo ke Lentšu, ba Le nyaditše, gomme efela ba naganne ba bile le Lona.

*. . . gomme ga se ba boloka melao ya ka, gomme maaka a bona a ba hloletše go phoša, . . .*

<sup>84</sup> Bjale, ba bile le Lentšu, Beibele, eupša maaka ao ba bego ba a hlakantše le Lona a ba hloletše go phoša.

*. . . ka morago . . . ye botatabo ba e sepetšego:*

<sup>85</sup> Le bona lebaka? Bjale, ba bile le phošo ka gobane ba be ba beile diphetolelo goba ditlhathollo tša bona beng go Lentšu. Gomme ke naganne e be e swanetše lehono, bjalo ka ge ba bantši bjalo ba nyaka go bea dikgopolo tša bona beng go Lentšu, gomme re tsene ka gare ga tlhakatlhakano. A tsholo go tšwa go Modimo, moprofeta yo a bilego le yona.

<sup>86</sup> Bjale, Amose o be a le moprofeta wa Modimo, moprofeta wa therešo. Motho mang kapa mang yoo a nkego a bala ka ga Amose o tseba sebeti sa monna yola wa Modimo wa go se fšege. O tšeelwa go ba yo mongwe wa baprofeta ba bannyane, gobane ga se a dule botelele kudu, eupša ka nnete o beile selepe go modu wa mohlare. O be a le yo mongwe wa baprofeta ba go se fšege kudu, gomme o tlile ka tlotšo. O tlile ka GO RIALO MORENA. O tsebile se a bego a bolela ka sona, ka gobane tlotšo ya Modimo e be e le godimo ga gagwe go tliša tlhathollo ya nnete go Lentšu la Modimo go bona.

<sup>87</sup> Amose o tšwa magaeng, lešokeng, go tla toropongkgolo ya matsaka. Ga se nke a ke a ba fao peleng. O be a le mošemane wa magaeng, moragorago ka lešokeng. Ge a be a le morago fale thapelong, Modimo o ile a kopana le yena, gomme o mmoditše ka ga bobedi bja setšhaba se sa matsaka se se a bego a le karolo ya sona. Gomme Samaria e be e le motsemošate, ye nngwe ya metsemošate nakong yeo, gomme wa pušo ya Jerobeama.

<sup>88</sup> Gomme ge a eme fale mosong wola, ka godimo ga thaba, a sepela ka tša gagwe tša kgale, tša go se kgahlīše, a apere diaparo tša segaeng, mohlomongwe lerole le leraga dinaong tša gagwe, le moo a bego a robetše ka go kobo yela ya kgale ya mankeretla, bošego morago ga bošego. Gomme ga ke tsebe, ga se nke a be le dipafo tša go hlapela matšatšing ao. E ka no be a bile matšatši a se makae ge e sa le a hlapa. Eupša seo ga se gobatše bokagare bja monna. Bontši kudu, letšatši, go beakanya bontle, e sego bontši ka bokagare. Re tshwenyega kudu ka ge eba re a hlapa letšatši le lengwe le le lengwe, le moriri wa rena o beakantšwe, gomme diaparo tša rena di fetotšwe, le se sengwe le se sengwe, gomme morago ra tlogela bokagare bo eya e ka ba kae, ra apara diaparo tša go swana tša kgale tša sebe, ra nkgiša soulo ka dithutotaelo le

dithutotumelo, gomme ra se tsoge re o hlodišišitse le go o hlatswa ka go Lentšu la meetse a karogano, go tloga go dilo tša lefase.

<sup>89</sup> Ge a eme mosong wola, a lebeletše godimo ga thaba, go toropokgolo yela ya matsaka, e tletšego ka dilo tša sebjalebjaletše o a sa nkago a ke a lora go be go ne selo se se bjalo. Israele e be e le bophagamong bja yona. E be e le ka go segwera le ditšhaba di e dikologilego. Ya matsaka kudu, basadi ba apara go ja koto, le ba—le ba banna. Gomme ba be ba fentšwe ke boipshino, mekato ya go kitima, le diolimpiki, le se sengwe le se sengwe se eya pele. Ga go makatše mahlo a gagwe a sesefetše; e sego ka matsaka a toropokgolo, boka moeti tsoko a ka dira, a etla ka New York, goba Los Angeles, go boneng basadi ba go apara seripa, banna ba tšwelapele, le sebe.

<sup>90</sup> Bagwera ba ka ba bangwe, matšatši a se makae a go feta, ba be ba etla go tšwa leetong la go thea dihlapa, feela ka fasana ga kholetše ya Beibele ya ye kgolo, kholetše ya Beibele ya go tuma. Gomme fale, go letše mo tseleng, ka lefokeng, go be go le basetsana ba baswa, ba apere seripana, le bašemane ba baswa, mohlomongwe baithuti go tšwa kholetšheng, ba enwa le go tšwelapele, go šiiša.

<sup>91</sup> Bjale, go tšwelapele go go bjalo ka gola go tsikinya kganyogo ya Maamerika a mantši ba ba ipitšago Bakriste bonabeng. Ge ba lebelela tlase go Los Angeles, goba ke ba bogetše sefofaneng ge re etla go Los Angeles; ga se nke ba ke ba ba fale peleng; goba Hollywood, goba—goba go Florida ka ohle mabone a bona a go taga godimo ga me—me mehlare ya mepalema. Oo, ba tla tlotša dinko tša bona puere ka boswa, gomme ba lokiša le meikapo. Ba be ba . . . naganne e be e le selo sa matsaka kudu ba kilego ba ke ba se bona. Gomme ba bona ba go tšhepa le go apara gabotse, ba sepela mo mekgotheng, ba nyakile go tšwela ntle fale le go bona ba ka apara diaparo tša bona go swinelela gakaakang, goba go nyokanyoka godimo le tlase mekgotheng. Mola, ba nagana gore sela ke selo sa go makatša.

<sup>92</sup> Eupša mahlo ale a go tlotšwa ke Modimo a moprofeta ga se a sesefale ka lebaka la matsaka, boka baeti tsoko, eupša go tshenyego ya maitshwaro, go batho ba ba bileditšwego go šegofatšwa ke Modimo. Mahlo a gagwe ga se a lebelele go matsaka. Ga se a sesefale ka lebaka la matsaka. E bile ke lebaka la bo—bo—bo boitshwarahlephi le tshenyego ya batho bao ba bileditšwego go ba ba go kgethwa ke Modimo, gomme ba tla dira ka tsela ye bjalo ka yela. Makatše, a rile, “Tau e rorile, ke mang a ka se boifego? Modimo o boletše, gomme ke mang a ka tlogelago go profeta?”

<sup>93</sup> O bone tshenyego, go bola. Ke se a bego a se lebeletše. Ke ge a bone tšohle tša tšela. Ga se e mo goge. Go mmelekile soulong ya gagwe. Gobaneng? O be a le moprofeta. O tsebile se Modimo a se tšhepišitšego go se šegofatša, le se tšhegofatšo



e bego e le, le ka fao batho ba dirago ka tšhegofatšo. Gomme diabololo o be a fapošitše mo letšatšing la gagwe, go tloga go se tšhegofatšo ya kgonthe e bego e le, go ya go go—go—go go bola ga maitshwaro; tšhegofatšo go tsikinya mahlo le takatso ya batho ba go se sokologe, go thato le tsela ya Modimo, le tsela ya Modimo ya bophelo.

<sup>94</sup> Ka fao go swanago lehono! Ka fao bareri ba kgonago go ema mo phuluphithing, le go lebelela go sebe le tshenyego ya lefase le, le go bona batho bao ba dirago le go itshwara ka tsela ye ba dirago, gomme ka gona ba no ba šegofatša ka gobane ke leloko la kereke ya bona, goba kereke ya leina, ke bontši go feta soulo ya ka e ka kwešiša.

<sup>95</sup> Ge Modimo a bolela, seprofeto! Ge Moya wa Modimo o ratha moprofeta wa kgonthe wa Modimo, o tla goeletša ka Lentšu. Ga ke nyake go swaswalatša, eupša ke mang a ka go homola? Ke mang a ka emago go lebelela godimo ga selo se sebjalo, gomme a ipolela go ba mohlanka wa Kriste, gomme a se e biletše ntle? Ga ke kgathale se kereke ya leina e tla se bolelago, goba se kereke e ka ba efe e tla se bolelago; ke ka lebaka leo ke se wa bona. Ba tla go ragela ka ntle, selo sa pele. Eupša Lentšu la Modimo le tla pele. Ge o le motseta, o ne se sengwe go se bolela. Ge o bolela e ka ba eng kgahlanong le Lentšu le, ga se wena motseta go tšwa go Modimo; o motseta wa kgwerano ya kereke tsoko ya leina goba teori tsoko. Eupša motseta wa Modimo o na le Lentšu la Modimo.

<sup>96</sup> Gomme mogwera wa rena, mosong wo, bjalo ka ge re mo lebeletše, o bile le Lentšu la Modimo, ka gobane o be a le moprofeta wa therešo wa Morena.

<sup>97</sup> Bjale, ba naganne ba bile le tlha—tlha tlhathollo go lona, gomme ba naganne, “Gabotse, kgonthe, lebelelang se re se dirago.”

<sup>98</sup> Bjale, selo sa yona ke, re ne yena a eme fale godimo ga thaba mosong wo, a lebeletše kgole, tlase go kgabola toropokgolo. A šikinya hlogo ya gagwe, a lebelela; mahlo a gagwe a sesefala. A tšea letsogo la seaparo sa gagwe gomme a iphumola kudumela go tloga sefahlegong sa gagwe, le lerole. Letšatši la go fiša le phadimela tlase godimo ga hlogo ya gagwe ya lefatla. Ditedu tša gagwe di lekeletše fase; o di fogohletša ka diatla tša gagwe. Ga se a bona matsaka. O bone sebe. Ga se se mo thabiše. Se mmelekile.

<sup>99</sup> Gobaneng a be a ka se re, “Nna, Moisraele, bonang ka fao naga ya gešo e atlegilego”? O be a ka bolela seo bjang ge a be a le moprofeta wa therešo wa Modimo, a tseba dipoelo, le se se bego se eya go ba ka selo se sebjalo ka sela?

<sup>100</sup> A re mmeyeng godimo ga thaba lehono gomme a ke a lebelele fase. A nke a lebelele ka Jeffersonville, go batho ba ba ipitšago Bakriste bonabeng. A nke a lebelele e ka ba kae ka Amerika go batho ba ba ipitšago Bakriste bonabeng. Mahlo a gagwe a

go tlotšwa ke Modimo a tla sesefala gape. Diatla tša gagwe di rorometše ka ditedung tša gagwe. Gobaneng? Ga a bone matsaka le katlego yeo lefase le e bonago. O bona go—go go tloga kgole le Modimo. O bona go bola ga maitshwaro a batho. O bona bokgelogi bja setšhaba. O bona go bola ga kereke. O be a ka kgona go dira eng eupša go sesefatša mahlo a gagwe, le go duma go tsena ka go yona, gore a kgone go e rathaganya ka diripa?

<sup>101</sup> Go ka reng ge pišopo a ka be a kopane le yena godimo fale, gomme a rile, “Bjale, a ke wena moprofeta wa Morena? Bjale, re tla go botša se o ka go se bolela le se o ka se kgonego go se bolela”? Le nagana a ka be a theeditše? Go ka reng ge nkabe ba rile, “Etla o tšoen mokgatlo wa rena bjale, gomme re tla go thuša go lesolo la gago”? Le nagana a ka be a ile a theetša? Aowa. Ga ke kgone go eleletša seo, go tšwa go monna boka yola. Aowa.

<sup>102</sup> O be a ronngwe ke Modimo. O be a se a swanela go ba le tšhomišano ya bona. O bile le Lentšu la Modimo, tlotšo ya Modimo, nako ya go bewa ke Modimo. O be a etla ka GO RIALO MORENA. Uh-huh. Yoo ke moprofeta wa therešo. Yeo ke tsela ye a sepelago. Ga a sepele le selo eupša GO RIALO MORENA.

<sup>103</sup> Afa toropokgolo ye ya matsaka ya Samaria, ya setaele se sa yona, Israele ya go rutega kudu, bareri le baprista ba ba go pholetšwa gabotse, ba amogela yo monnyane yo, moisa wa go se tsebje? Ka kgonagalo popopolelo ya gagwe e be e fokola kudu. O tšwa lapeng la go šokiša ka lešokeng. O tlogetše legae, a biditšwe ke Modimo, o ile ka lešokeng go ithuta Modimo le Lentšu la Gagwe, le go ba moprofeta. Morena o o mo tswetše ka tsela yeo.

<sup>104</sup> Baprofeta ba a tswalwa, motseta wa lebaka, yo Modimo, ka tsebelopele, o tseba lebaka gomme o ne mohlankedi wa Gagwe fale go goeletša sebe ntle.

<sup>105</sup> Afa toropokgolo yela ya matsaka e ka mo amogela? Le nagana basadi bale ba ka be ba mo file šedi go se a se boletšego? Le nagana baprista bale ba ka be ba mo theeditše? Gobaneng, aowa, mohlomphegi. O be a se ne thekgo le yena, go tšwa go mokgatlo e ka ba ofe. O be a sa kgone go bolela, go re, “Bafarasei ba nthomile.” Ebile o be a ka se kgone go bolela gore Basadutsei ba mo romile. O be a se a swara botsebalegi bo itšego. O be a se ne karata ya kopanelo ye itšego go tšwa go sehlopha se itšego sa batho. O be a se ne ketapele go lokiša lesolo la gagwe. Ga se nke gwa ba le Bafarasei bohle bao ba bilego le kopano ya botee le di—le difihlolo tša badiredi, le go tliša se sengwe le se sengwe mmogo, go lokiša lesolo la gagwe, le go tsebeng gore o etla. O be a sa tsebje go bona. O be a se ne karata ya kopanelo. O be a se ne botsebalegi. O be a se ne thekgo go tšwa go batho.

<sup>106</sup> Eupša o bile le GO RIALO MORENA. Yeo ke tsela ya moprofeta wa therešo. O bile le GO RIALO MORENA. Ge a bile le GO RIALO MORENA, go fapana kudu go tloga go dikema tša rena tša madirwakemotho fa. Seo ke sohle a se hlokilego. Ge a

etla ka tsela *ye*, o tla ka leina la kereke. Ge a etla go tšwa ka tsela ye, o tla ka Leina la Morena. Kafao, moprofeta wa therešo ka mehla o tla ka tsela ya Leina la Morena. Ka mehla, o tla ka Leina la Morena.

<sup>107</sup> Bjale, o be a sa kgone go bontšha dikarata tša kopanelo, eupša o—o bile le Lentšu la Modimo. Gomme seo ke se Modimo a se rometšego go batho. Bjale, batho ba be ba ipopile mekgatlo bonabeng. Ba bile le dihlopha tša go fapana tša ditumelo, gomme seo ke se batho ba se bopilego. Eupša Amose ga se a be le seo. O no bile le GO RIALO MORENA. Seo ke se a bilego le sona.

<sup>108</sup> Ke tla eleletša baprista bale, mo mosong, ba bile le ye nnyane ka mosong wa sabatha, ba ba le thapelo ye nnyane, go ya pele, tirelo ye nnyane ya go gafela, gomme—gomme ba boetše morago. Gomme ba boletše dilo di se kae ka ga Moshe yo mogolo, yoo a kilego a phela, le yo mongwe yo mogolo gape yoo a phetšego letšatšing tsoko. “Eupša, oo, matsatši a seo a fetile bjale. Lena batho le tseba mopresidente wa rena yo moswa, mmušo wa rena wo moswa le tšohle re nago le tšona,” le go bolela ka dilo di se kae boka tšeo gomme ba ya gae.

<sup>109</sup> Eupša fa go tla monna yo a sa tshwenyegogo ka seo. O tla ka GO RIALO MORENA. Le a bona? Yeo ke tsela ya moprofeta. Ga go tirišanommo, o tsebile se se bego se mo lebane, o tsebile se sengwe le se sengwe se tla ba kgahlanong le yena, a tseba gore ba tla mo gana, ba tla se mo amoge. Eupša o be a etla ka Leina la Morena.

<sup>110</sup> Jesu o tsebile gore Khalibari e be e Mo lebane, eupša O tla ka Leina ka Morena. Le a bona? Yeo ke tsela ya moprofeta wa therešo.

<sup>111</sup> O bile le Lentšu la Morena bakeng sa setšhaba. Eupša Lentšu la therešo la Morena le be le le le šele go batho bale. Efela, ba naganne ba bile le Lona. Ke a holofela se se fihla tlase botobong. Ba naganne gore ba be ba phagame kudu le bodumedi, gore Lentšu la kgonthe la Modimo e be e le selo se sešele go bona.

<sup>112</sup> Yeo ke tsela ye e lego lehono. Lentšu la therešo la Modimo le dirilwe go bonagatšwa ke selo se sešele go boati bja batho ba Pentecostal. Tlhathollo ya kgonthe ya Lentšu, madimabe a kgonthe, le dithogako, ditšhegofatšo tša kgonthe tša Modimo ke selo se sešele go batho ba bantši ba ba ipitšago babokgethwa bonabeng, maloko a kereke, Bakriste. Ke selo se sešele go bona. Ga ba se tsebe. Le bolele go bona. “Ga sa nke ka ke ka kwa ka ga selo se sebjalo.” Gomme, efela, mekgatlo ya bona e a gola le go atlega, e ba le maloko a magolo le a magolo ka nako tšohle, le mekgatlo ye mentši e oketšwa ngwaga wo mongwe le wo mongwe.

<sup>113</sup> Ba naganne gore eng kapa eng yeo e tlogo go bona e be e swanetše go tla go tšwa go dihlopha tšela tša bokereki. Ka kgonthe ba be ba ka se mo amoge. Ebile ba ka se dire lehono. E

be e le kgale ba lebetše, gore, “Modimo o be a kgona ka matlapa a go tsoša moprofeta wa therešo wa Modimo.” Modimo o a kgona, ka banna ba sekgwa ba morago. O kgona go tsoša, ka matlapa a, banna ba ba tla emelago Lentšu la Gagwe, le go profeta ka Leina la Gagwe, Therešo. “Go bea selepe go modu wa mohlare.” Anke dintshetlana di we. Ga ke tshwenyeye ge e ba o ne tirišanommogo goba ga go tirišanommogo. Eupša yeo ke tsela ya moprofeta wa therešo.

114 Batho ba bangwe ba nagana o ne yona gabonolo. Ga ba tsebe se ba boelago ka sona. Ga se a tlišwe ka toropong ka karikana, a dutše godimo ga tše kaone, dipere di pannwe, ditomo, gomme moprista yo mogolo a eme ntle fale, ka dilo tše telele tše kgolo godimo ga dihlogo tša bona, ba mo khunamela, “Mohlomphegi Ngak. *Semangmang* o etla.” Yeo e ka be e bile peakanyo ya mokgatlo tsoko.

115 Boka Kgoši ya bona bohle a etla, O a tla, boka, o tla ka setala sa bobolokelo, bobolokelo bja kgomo. Ga a ke a tla ka botšhephi le letago, eupša O tla ka go kokobela ga Lesea le tswalwa ka bobolokelong. Amose ga se a tla . . . Lentšu la Morena; gobane o *be a le* Lentšu la Morena. Lentšu lefe kapa lefe la Modimo, ga se motho; ke Modimo.

Jesu o rile, “Ga se Nna yoo a dirago mediro.”

Ba rile, “Wena o Motho, o itira Modimo Wenamong.”

116 O rile, “Gona ge Ke sa dire mediro ya Modimo, le se Ntumele. Eupša ge mediro e ipolela yonamong, dumelang mediro, ge le sa nyake go Ntumela.”

117 Amose o be a le Lentšu la Modimo le sepela go theoga tsela. O sepeletše ka gare, botala, e sego ka difešene tša lefase. O tlile ka maatla a Moya.

118 Yeo ke tsela ye Lentšu la Modimo le tlogo. E sego ka thutumelo ya mokgatlo, e sego ka se sengwe se fefotšwego ka phuluphithing; eupša Le tla ka maatla a Moya, go bonagatša Modimo go setšhaba le go batho. Ke phapano. Go fapana bjang!

119 Bjale, se se lemogile, se lebetše kgale botelele, gore Modimo o kgona ka matlapa go tsoša baprofeta ba therešo. Ga se ba be le . . . Mekgatlo ya bona ga se e swanele go tsoša moprofeta wa therešo, gobane mohlomongwe o be o ka se kgone go e dira. Gobane, ge go ka be, e be e tla ba moprofeta wa mokgatlo.

120 Eupša, Modimo o a tsoša! Modimo o tšea se A se nyakago. Ga A tšee selo, ka mehla, go dira mošomo wa Gagwe; go bontšha gore Ke Modimo. Motho o a ikkogomoša, le go nagana ke yena se sengwe, ka gona Modimo a ka se kgone go mo diriša, ka gobane o ne bontši kudu bja yenamong.

121 Seo ke se e lego bothata ka kereke ya Bakriste lehono. Ba nagana ba tseba se sengwe. Beibele e re, “Ge motho a nagana o tseba se sengwe, ga a tsebe selo seo a swanetšego go se tseba.”

Bothata lehono, re ne bontši kudu bja seng, boikaketši bjo bontši kudu, thuto e ntši kudu, bodumedi bjo bontši kudu, gomme gwa se tsebje selo ka ga phološo ya Lentšu la Modimo. Yeo ke karolo ya go šokiša ya yona. Ee.

122 Ba be ba lebetše, gore, “Modimo o be a kgona ka matlapa a go tsoša bana go Abraham, goba go tsoša baprofeta ba therešo ba Lentšu.”

123 Ga se ba swanela go tšwa go sekolo tsoko se rilego. Modimo o ba fa go tseba sekolo ga bona. Ga se ba swanela go ba le digrata tše nne ka kholetšheng. Ga se ba swanela go ba le Grata ya bona ya Bokgabo, le—le Grata ya bona ya Bongaka, le go ya pele. Ga se ba swanela go ba le seo. Modimo o tšea eng le eng A nyakago go, gomme a bea Lentšu la Gagwe ka go sona. O e dira bjang? O a E bonagatša le go E netefatša.

124 Ba ka se kgone go bolela ke seminari efe Jesu a tšwago go yona. Ga se a be le efe. “Ke sekolo sefe A tšwago go sona?” Ga se A be le sefe. Eupša O bile le eng? O bile le Modimo, gomme O be a le Lentšu. Ba be ba sa kgone go šupetša morago go sekolo.

125 Gomme Modimo a sa nke a ke a tsoša monna go tšwa sekolong. E ya tlase go kgabola histori gomme o hwetše moo A kilego a ke a dira. Ga A dire. O tšea se sengwe go tšwa felotsoko gape, seo se se nago selo, go se ne kholofelo go sona. Gona O tliša seo ka gare le go bea Lentšu la Gagwe ka go sona, gomme a iponagatša Yenamong. Seo ke se A bego a se dira fa ka go Amose. Go lokile.

126 Bjale, Lentšu la Amose le hlatseditšwe ke Modimo, mo letšatšing, mo matsatšing a bona beng. Go hlat- . . . Modimo o hlatsetše Lentšu la Amose go ba, gore o be a le, o bile le Lentšu la Morena.

127 Gomme ge a ka tla go rena, gonabjale, a le nagana setšhaba sa gešo le batho ba gešo ba tla amogela monna boka yola? [Phuthego e re, “Aowa.”—Mor.] A le nagana Baptist e ka amogela Amose? [“Aowa.”] Methodist? [“Aowa.”] Presbyterian? [“Aowa.”] Mapentecostal? [“Aowa.”] Makatoliki? [“Aowa.”] Aowa, mohlomphegi. Aowa. Ka kgonthe a ka se dire.

128 Anke re, feela nakwana, re mo nametše le go mo tliša fa, feela motsotso, le go hwetša ge e ba ba tla dira goba aowa. A re boneng ge eba o tla . . . ge e ba dikereke tša rena di tla mo amogela lehono goba aowa.

129 Selo sa mathomo a tlogo se dira, o tla ganetšana le mokgatlo wo mongwe le wo mongwe, gobane o kgahlanong le Lentšu. Uh-hum, uh-huh, ee, mohlomphegi. O tla sola peakanyo ya rena ka moka. Yeo ke nnete. Thuto ye nngwe le ye nngwe, thutotumelo ye nngwe le ye nngwe, kereke ye nngwe le ye nngwe ya leina, o tla sola selo ka moka.

Ke no eleletša, ke kgona go bona bapotologi ba bangwe ba Mapentecostal a ba re, “Gobaneng, letago go Modimo! Ge a . . . Gobaneng, re ka se be le monna yola ka toropong ya rena.”

<sup>130</sup> Gomme le nagana Mapresbyterian le Baptist ba tla dira eng? “Gobaneng, sephantha sela, ga re mo nyake tikologong ya naga ya rena. Ga se yena selo eupša mo—mo mokerenke.” Ba tla saena pampiri go mo tswalelela toronkong, ge ba ka kgona, go mo tloša mekgotheng.

<sup>131</sup> Eupša le nagana le ka kgona go mo tloša fale? Oo, aowa. Le ka se kgone go kheitša Lentšu la Modimo. Aowa, aowa. Le tla tla pele, go le bjalo. Ditshipi tša toronko di bulegile bošego bjo bongwe, ge ba lekile go Le kheitša. Seetša se tlile ka gare gomme sa mo ntšhetša ntle.

<sup>132</sup> Aowa, o—o be ka kgontha a tla ganana le peakanyo ya rena. Go lokile. Na o be a tla thoma go dira eng? Go e phušolela fase. Gobaneng? Ke mohlanka wa Modimo. O tla ya thwi go Motheo gomme a thoma lesolo la gagwe, thwi go lokologa morago, le go phušola thutotumelo ye nngwe le ye nngwe go tloga go lona, gomme a boela morago go Motheo. Na Motheo ke eng? Godimo ga Lentšu la Modimo. Nnete. “Magodimo le lefase di tla feta, eupša Mantšu a Ka a ka se ke.” Kafao o tla phušola kereke ye nngwe le ye nngwe ya leina, thutotumelo ye nngwe le ye nngwe, thuto ye nngwe le ye nngwe, go tloga go lona, gomme a e lahlela ka thoko, o tla e thuthupisetša ka go Bokagosafelego.

<sup>133</sup> Le nagana Mapentecostal a tla mo amogela? Aowa, mohlomphegi. Mabaptist? Presbyterian? Aowa, mohlomphegi. Manazarene? Pilgrim Holiness? Ba tla mo hloya. Nnete. Le nagana ba tla ya ntle go mo gahlanetša ka li—li limosine, gomme ba mo tliša ka go toropokgolo? Ba tla rapelela letšatši go mo tshuma godimo fale. Ba tla bea legora, go mo thibela ka ntle ga toropo. Gobaneng, go tla ba le dikopano tše dintši tša badiredi tikologong, godimo ga toropokgolo, le kilego la ke la di bona bophelong bja lena. “Ntšhetšang mokerenke woo ka ntle ga toropokgolo ye.”

<sup>134</sup> Eupša, efela, o bile le GO RIALO MORENA. Le a bona? Yeo ke tsela ya moprofeta wa therešo. O tla nyatšwa. Nnete. O tla ya thwi go Motheo, bakeng sa lesolo la gagwe. A ka se hloke. A ka se re, “Bjale, ke nyaka lena Mamethodist go tla ka gare bjale le go nthuša. Ke nyaka lena Baptist. Ke nyaka lena batho bohle go dikologa fa. Bohle lena Mapentecostal, le tleleima gore ke lena sehlopha sa mafelelo seo Modimo a yago go se bitša, ke nyaka lena bohle go tla go nna, gomme ke nyaka le thekge lesolo la ka.”

<sup>135</sup> “Na o kolobetša bjang? Bohlatse bja mathomo bja Moya wo Mokgethwa ke eng?” Dipotšišo tšela, di tla lahlelwa sefahlegong sa gagwe. Gomme ge a bowa morago ka Therešo ya Beibele, ba tla mo gana. Eupša yeo ke tsela ya moprofeta wa therešo. O ne tšohle tšela go thulana. Le a bona? Ka nnete.

136 Re ka se mo amogele. Aowa, mohlomphegi. Tša rena—tša rena . . . Re ka se be le selo. Re ka se be le selo sa masolo a gagwe go dikologa naga ya rena—ya rena. Aowa, ka nnete. Gabotse, re ka se be le yena. Aowa, mohlomphegi. Eupša o tla tla le go tliša Kereke morago go Lentšu, ka gore Woo ke Motheo. “Mang le mang a beago godimo ga motheo ofe wo mongwe, ke kwenamohlaba. Godimo ga motheo *wo* o nnoši, Modimo o aga Kereke ya Gagwe, godimo ga Thuto ya baapostola.”

137 Bjalo ka ge ke be ke bolela letšatši le lengwe; yo mongwe a bolela ka ga—ka ga phekathori, gomme a efa ditšhupetšo go ba bantši boka Mokgethwa Francis le Mokgethwa Cecilia, gomme yena a rapelela batho ba rilego, gomme go tšwa go phekathori, le go fa maatlataolo bjalo ka ale. Ao ke maatlataolo e sego a mangwalo. Ke batho bao ba se nago maatlataolo. Baapostola ba bile le maatlataolo a Mangwalo. Gomme ge go le kgahlanong le bona, ke maaka, go ya ka nna.

138 Ke dumela go phekathori, eupša ke dumela e gonabjale. O thintho soulo ya gago mong. *Phekathori* e ra “go thintho.” Ge o bona o dirile se sengwe sa phošo, eya ntle fale gomme o se hlwekiše go tloga go wena, ka boipolelo, go go lla, le go ikona, le go rapela.

139 Yo mongwe ebile o ntshegile ge Morena a tlile fa e se kgale botelele le go mpha pono. Ka mehla ke nyakile go bona go tlengwa ga sephente yela. Ka mehla ke maketše go dirwa bjang. Ke tla gatela ntle ka mokgwa wola. Ge, seo ke se ke se nyakilego, bophelong bjaka bjohle. Gona ke thomile go ikona le go rapela. O rile, “O direlang seo?”

140 Ke rile, “Ka fale, O rile ga se ke hlomoge go lekanela.” Ka morago ga ge A etla, gona ke nyakile go ithintho nnamong. E sego go leta go fihla o ehwa, gomme wa dumelela moprista tsoko go leka go go thintho. Thintho disoulo tša lena!

141 Eupša, le a bona, ba e tlošitše go tšwa go Lentšu la maatlataolo, gomme ba le bea ka diatleng tša thutotumelo ya madirwakemotho, go tsenya tšhelete ka kerekeng, ka gobane ba lebelela go dilo tša lefase, kereke ya lefase, maatla a magolo ka lefaseng, maatla a sepolitiki. Eupša Modimo o lebelela go Lentšu la Gagwe. Gomme Lentšu e ka ba lefe leo le lego kgahlanong le lentšu la Modimo le fošagetše. Go ya ka nna, ke Lentšu goba ga go selo. Ee, mohlomphegi. Ee, mohlomphegi.

142 O be a tla ya thwi go Motheo. O be a tla phušola sela ka diripana. O be a tla swanela ke go dira. O be a ka se dire selo gape, ge Amose a ka be a le fa lehono. O be a ka se kgone go dira selo gape, ka gore, elelwang, yena ke moprofeta wa Modimo wa therešo, yo Lentšu le tlogo go yena. O be a ka se kgone go dira selo gape eupša go ya morago go Lentšu. Ga go tshwenyege ge Mapentecostal ohle ka nageng ba kgobokane go mo dikologa, ba re, “Mohlomphegi, Amose, re go dumela go ba moprofeta,

eupša o tšwile Lentšung. Re nyaka go go otlollela godimo.” O tla dula le Lentšu. Ga go selo gape a ka go se dira, ka gobane yena ke moprofeta. O be a sa hloke tirišanommogo ya bona. O ne Molaetša go fa. “Gomme bohle Tate a Mphilego ba tla tla go Nna.” Gomme o ya go rera Lentšu, gomme o ya go Le rera feela boka Le tla ba ka Beibeleng, gomme kagona re tla mo gana. Yeo ke nnete.

<sup>143</sup> Ga go tshwenyega se Le tla bago, Lentšu la Modimo le tla go baprofeta, tlhathollo ya bona ya Lentšu, tlhathollo ya go nepa.

<sup>144</sup> Israele ka mehla e tšwile mothalong, gomme Modimo o ba rometše moprofeta ka maswao le matete, go hlatholla Lentšu lela. Gomme o tsebile bjang? O rile, “Ge moprofeta yo a bolela, gomme gwa direga, gona seo ke nnete.” O hlatsetše baprofeta ba Gagwe, gore ba be ba nepile.

<sup>145</sup> Jesu o rile, “Yo a Ntumelago, mediro yeo Ke e dirago o tla e dira le yena. Se le tla se tseba. Maswao a a tla latela bona ba ba dumelago.”

<sup>146</sup> Gomme ba kgona go tleleima bjang go ba moprofeta wa Morena gomme ba gana lona Lentšu la Modimo? Monna o kgona bjang go kolobetša ka Leina la “Tate, Morwa, le Moya wo Mokgethwa,” tšona dithaetlele, gomme a gana lona Leina la Jesu Kriste, ge go se Lengwalo ka Beibeleng go thekga teori ya bona? Nka no ba thata le go swaswalatša, eupša ke nako go hwetša tsela yela. Ke Therešo.

<sup>147</sup> Batho ba kgona bjang go tleleima bonabeng go ba Bakriste lehono, gomme ba kitimela ntle fa go se sengwe le se sengwe, gomme basadi ka meriri ya go kotwa, gomme ba apere dišothi, gomme ba kgoga disekerete, gomme ba kitimela dipontšhong tša diswantšho, mohuta ofe kapa ofe wa pontšho ya kgale, le go ya pele? Mpotše woo ke Moya wo Mokgethwa? [Phuthego e re, “Aowa.”—Mor.] Le se tsoge la mpotša seo. Lena, le dira Modimo a sellege ka mogodung wa Gagwe, ge go be go le selo se sebjalo go ka dirwa. Ya. Ke ne kgonthe le a kweiša. Le ipitša lenabeng, se bjalo ka seo, go kgonega bjang go ba le selo se sebjalo? “Ba tsebja ka dikenywa tša bona.”

<sup>148</sup> O tla thuthupiša le go sola mosadi yo mongwe le yo mongwe wa go kota moriri. A ka kgona bjang go dira se sengwe gape? Ke yena moprofeta. Gomme leo ke Lentšu. O tla re, “Lena, boIsabele!” O tla ba makgwakgwa le bona. Gobaneng? Ke yena moprofeta. O swanetše go dula le Lentšu. Yeo ke nnete. Le nagana ba tla emiša? Aowa, mohlomphegi. Ba tla re, “Ke bohlangya. O no ba yo mobe bjalo ka Paulo wa kgale a bile, ka Beibeleng, mohloyamosadi.”

<sup>149</sup> “Lena, sehlotswana sa go ekiša, sa go bitšwa Bakriste. Ga go kgathale ka fao le lekago go phela bokgethwa, seo ga se ne selo se tee go dira le sona. Ge feela le gana Lentšu la Modimo gomme le sa eme mothalo le Lona, o modiradibe, mosedumele,” ke seo



a tla se bolelago. A ka se . . . Bea, o tla bea selepe thwi go modu wa mohlare. A ka se šie selo. Ke yena moprofeta, gomme yeo ke tsela ya moprofeta wa therešo. Ba tla ema le Lentšu lela go sa kgathalege ke mang. Ge e le mme goba papa wa bona mong, ga go dire phapano. Jesu o dirile. Ebile ga se a ke a mmitša mme; o be a se yena. O be a le Modimo. Modimo ga a ne mme. Ba tla, gona tate wa Gagwe ke mang? Uh-huh, uh-huh.

<sup>150</sup> O tla ba thuthupiša le go ba sola. O tla sola kereke ye nngwe le ye nngwe ya leina, ka gobane ga go e tee ya tšona e agilwego go Lentšu. Ga ke kgone go hwetša e tee ya tšona. Gomme ka pejana ge ba dira kereke, ba kgahlanong le Lentšu thwi nako yeo. Kafao a ka kgona bjang. . . moprofeta a šegofatša se Lentšu le se solago? Efela, ga a nyake go e dira, go kweša ngwanabo bohloko, eupša efela o swanetše go e dira ka gobane yena ke moprofeta. Gomme ke yena kemedi ya Lentšu la therešo la Modimo, gomme ga a šuthe go tloga go Lona, ka tsela efe le gatee; taelo godimo ga taelo, le mothalo godimo ga mothalo. Le bona se ke se rago? Tsela ya moprofeta wa therešo.

<sup>151</sup> Ke ba bakae ba rego, “Morena, ke duma O ntire moprofeta”? Ga a dire seo. Aowa. Ga a dire seo.

<sup>152</sup> O tla sola tiro ye nngwe le ye nngwe ya bohlaswa ya kereke, diphathi tše tša panko le dilo tše tšohle tše tšeo ba nago le tšona, diphathi tša dikarata, dilalelo tša sopo. O tla sola ye nngwe le ye nngwe ya tšona. O tla ba thuthupišetša ka heleng moo ba tšwago gona.

<sup>153</sup> Le nagana le tla mo amogela? Aowa. Kereke lehono e ka se mo amogele. Pentecost e a mo amogela? Gabotse, o tla sepelela ka fale, a re, “Lena sehlopha sa boIsabele ba go kota moriri, a ga le tsebe se GO RIALO MORENA go se rago? O sepelela ntle fale o apere roko ye nnyane ya go bogega go go nganga, a ga o nagane o ne molato wa go dira bootswa letšatši le lengwe le le lengwe le makgolokgolo a banna?” Seo ke se a tla se bolelago.

<sup>154</sup> Le re, “Gabotse, ke mouwane wa kgale! Ralefatla wa kgale, moisa wa go bogega bopududu, mo tlošeng go phuluphithi yela. A re go bone, pota ya bahlokomelaphahlo, matikone, mo ntšheng fa.”

<sup>155</sup> “Gabotse, lena sehlopha sa baikaketši ba madimabe.” Nnete. Amose o tla e biletša ntle. Morago le ipitša lenabeng, “Rena re . . . Re ba sehlopha *se*. Re ba sehlopha *sela*.” Le ba diabololo, tataweno, ka gore ke yena a ganago Lentšu.

<sup>156</sup> O re, “Ke boletše ka maleme.” Gomme morago wa kota moriri wa gago? “Letago go Modimo! Haleluya!” Gomme Beibele e rile, “Ke—ke selo sa tlwaelo—tlwaelo, go mosadi go rapela ka hlogo ya gagwe e kotilwe ka mokgwa wola.” Morago o ipitša Mokriste wenamong. Dihlong go wena. Abulela go khona felotsoko, lokiša le Modimo.

157 O apara tšona diaparo tše nnyane tša kgale tša dišothi, gomme wa tšwela ntle fa ka jarateng, gomme wa itšhirimolla ntle, mola o tseba gabotse le go loka o dira bootswa le lekgolo la banna letšatši le lengwe le le lengwe. O rile, Jesu o boletše bjalo, “Mang le mang a lebelelago mosadi go mo kganyoga o dirile bootswa le yena.” O bile yena yo a ipapaditšego, gomme o e dirile ka go wa gago. . .

158 Moo, wena, o hwile go dilo tša lefase. O tsošitšwe go tšwa go tšeo, bjalo ka ge ke boletše, mathomong. “O tla retolla hlogo ya gago ka dihlong. Mahlo a gago a tla sesefala godimo ga selo sa go šiiša bjalo sa sebe, sebakeng sa go lebelela basadi go ba kganyoga. Lena banna bao le dirago selo boka seo gomme le ipitša Bakriste lenabeng.” Seo ke se a tla le botšago. Ke leka go tšea Mantšu a gagwe mosong wo. A tla ba Mantšu a gagwe. Ka gore, yena, elelwang, ke yena moprofeta wa therešo. O tla swanela ke go dula le Lentšu lela. Uh-huh. Ke no be ke tsopola Mantšu a gagwe. Ke sohle. Gobane, ge le mo tlišitše, yena ke Lentšu. Gona, Lentšu šele, Lonamong. Le ka no se be le monna, eupša le ne Lentšu la gagwe, gobane o tla ba le Lentšu la Morena.

159 Thuto ye nngwe le ye nngwe ya madirwakemoto, o tla e sola, bjalo ka kolobetšo “mo leineng la Tate, Morwa, Moya wo Mokgethwa.” O tla lahlela selo seo thwi morago ka go Bokagosafelego. O tla se sola, kafao go ka se be le monkgo wa sona o šaletše. Ee, mohlomphegi.

160 Ke ba bakae, lena, ke ba bakae ka kerekeng mosong wo ba tla mo amogelago godimo ga seo?

161 Morago ba, sekgobotho se sa Jesus Name, ba tla—ba tla re, “Oo, re tla mo tšea go seo.” Gomme gona mokgatlo wa lena, o tla le thuthupišetša ntle thwi le ona. Yeo ke nnete. Basadi ba lena ba go kota meriri, gomme lena le dumelelana le yona. Yeo ke nnete. Banna be lena, ka tsela ye ba dirago le go itshwara. Yeo ke nnete.

162 Boati bja batho bo re, “Ke mo gobotse go ba moprofeta.” Ke gona, ge o ikemišeditše go rekiša se sengwe le se sengwe sa lefase gomme wa dula le Modimo gomme le Lentšu la Gagwe. Hmm.

163 Aowa, re be re ka se mo amogele ka mokgwa ofe, dikereke tša rena tša maina lehono. Ka kgonthe re be ka se be le selo go dira le yena.

164 Mo theetšeng a e thuthupiša. O rile, “Yena Modimo yoo le tleleimago go mo dumela, O tla le fediša.” Le tla dira eng ka yeo? Yena Modimo yoo Pentecost e mo dumelago, go tšwa go tšona ditiro tša bohlaswa le dilo tšeo ba di dirago le go dumelela go dirwa, yena Modimo yoo o tla tliša kahlolo godimo ga yona mekgatlo. Yeo ke nnete. Tlwa se Amose a se boletšego go bona.

165 “Oo,” ba rile, “re ne Abraham. Re ne—re ne se. Re ne molao. Re ne baprista. Re ne baprofeta.”

166 Oo, ngwanešu, wona mahlo a sesefetše ge a be a lebeletše godimo ga bona, gomme a thuthupiša Lentšu lela ka go bona. Ee, mohlomphegi. Nnete. Ba ka se mo amogele. Aowa, mohlomphegi. O rile, “Ba tla ba fediša ka dithuto tša lena tša madirwakemotho.” Seo ke se a tla ba botšago lehono. O tla bolela go swana le ge a dirile nako yela. O rile, “Yena Modimo yoo le mo agelago dikereke, mohlomongwe le lefela dimilione tša ditolaro, tšona dibatlabadimo tše le di agelago Jehofa, yoo le tleimago gore le a mo rata, yena Modimo yoo o tla le fediša ka gobane le gana Lentšu la Gagwe.”

167 Go bjalo le lehono! Yena Modimo yoo Amerika e tleimago go mo hlankela o tla tliša kahlolo godimo ga setšhaba le go se fediša. Ke a holofela seo se fihla botebong kudu gore le ka se tsoge la nyokagana go tšwa go sona. Yena Yena yoo le tleimago gore le a mo rata, gomme ka dithutotumelo tša lena tša madirwakemotho, le bophelo bja bohlaswa le go bola goo le nago gona ka go lena, kgole go tloga go Lentšu la Modimo, o tla le fediša letšatši le lengwe. Seo ke GO RIALO MORENA. Ga go selo se ba šaletšego.

168 Lokologana le Lentšu! Rera Ebangedi go bona; putla setšhaba; ba botše Therešo. Badiredi ba a nganga le go goeletša, le go ya pele. Banna ba a sola. Mekgatlo e a go gana. Basadi ba tla šikinya dihlogo tša bona, gomme ba ka se tlogele moriri wa bona go golela ntle, bakeng sa lefeela. Ba apara diaparo tša bona feela go swana tlwa, ngwaga morago ga ngwaga. Go no swana le go tšhela meetse mokokotlong wa lepidibidi. “Morago le tleima le rata Modimo?”

169 O rile, Jesu o rile, “Le tšere metlwae ya lena gomme la dira Melao ya Modimo ya lefeela.”

170 Yeo ke tsela ya moprofeta wa therešo. Le a bona? Ga se tsela ye bonolo. Ga se se yo mongwe le yo mongwe a naganago se ka ba.

171 Tabogela godimo le fase gomme o goeletša, yo mongwe le yo mongwe a go phaphatha magetleng, gona leo ke leswao ga o moprofeta wa therešo. Leo ke le lengwa la ona maswao gore ga o ne se o bolelago ka sona.

172 Ke neng ba kilego ba ke ba mo phaphatha ka morago, ntle le ge ba bile le selepe go šila? Eng? O tla retologa gomme a ba sola. Nnete. Ba ka se kgone go phaphatha Amose mo mokokotlong. Ga se ba kgone go phaphatha Eliya mo mokokotlong. Ga se a emelane le selo seo. Aowa, mohlomphegi. O ba boditše Therešo ya Modimo. Gomme ge eba Legodimo ke le legolo bjalo, gomme moo re yago, gona ge re sa kgone go bapelana le dilo tše dinnyane nthatana tša go se tshwenye, re ya go bapela bjang le Moya Kua? Re swanetše go bapela le Lentšu. Yeo ke tsela ya moprofeta wa therešo. Le ge e ba ripaganya ka diripana, go Le bolela, ya, o

swanetše go ripaganya setšhaba ka diripana, ka Lona. Yeo ke nnete. Eupša yeo ke tsela.

<sup>173</sup> O tla e thuthupiša. Oo, nna! Le a tseba ke eng a ba boditšego? “Mokurukuru,” ge le hlokomela fa, o rile, “ga o ka go mmušo wa lena, o ka go lena.” Seo ke se a se boletšego. Ya. “Mekurukuru ka kerekeng, sebopego sa lena sa bomodimo, seo ke se se hlotšego bothata.”

<sup>174</sup> Lebaka leo bokomonisi bo swielago naga lehono, ga se ka lebaka la bokomonisi. Ke ka lebaka la kereke. Ke ka lebaka la batho. Lehono ba ipitša Bakriste bonabeng. Ba opela boka Barongwa. Digalontšu tša go katišwa, le go bolela ka bothakga bjo bobjalo, eke ba be ba le Barongwabagolo; gomme ba se dumele Lentšu la Modimo, boka bodiabolo. Ba opela boka Morongwamogolo, ba apara boka gaketsebeeng, gomme ba gana Lentšu la Modimo.

<sup>175</sup> Monna, moreri mo phuluphithing, yoo a tlogo ema fale le go bitšwa Ngaka, Moruti, gomme mmotšiše, “A Beibele e boletše kolobetšo mo ‘Leineng la Morena Jesu Kriste,’ goba, ‘Tate, Morwa, le Moya wo Mokgethwa?’” Gomme o tla sega mo sefahlegong sa gago gomme a tšea, “Tate, Morwa, Moya wo Mokgethwa.” Gona wa ipitša wenamong ngwana wa Modimo?

<sup>176</sup> Basadi ba tseba gore Beibele e ba sola go dira dilo tše rilego, gomme ba kota moriri wa bona, le go itshwara boka lefase, le go apara diaparo tša bohlaswa le dilo boka tšeo, gomme ba tla e dira kgafetšakgafetša, go le bjalo; gomme ba bolela ka maleme, le go tabogela godimo le fase, le go goelela, le go ba le disosaete tša kgale tša bahumagadi, le megofe ya go roka, gomme ba romela baromiwa tšhemong. Go fetogile mpilobilo mo pele ga Modimo. Gomme, GO RIALO MORENA, O tla fediša selo ka moka. O tla dira.

<sup>177</sup> Ga se selo se bonolo, eupša yeo ke tsela ya moprofeta wa therešo. Go E thuthupišetša ntle fale, le go E bolela le ge E gobatša goba aowa.

<sup>178</sup> Johane o be a le moprofeta wa therešo. O rile, “Selepe se beilwe go modu wa mohlare.” Yeo ke tsela ya bona. Kgontho.

<sup>179</sup> Bothata bo ka go yena. O opela boka Barongwa, o bina boka bodiabolo ntle fale, ditansi, go ya pele, go bapala dikarata, mekato ya dipere. Mapentecostal, a eya go mafelo a boithabišo, dipontšho tša seswantšho di pitlagane ka bona. Lefelo le lengwe le le lengwe, mohuta e ka ba ofe wa papadi ya kgale goba e ka ba eng gape, gomme ba ya tlase fale, le mekato le se sengwe le se sengwe gape, gomme ba ipitša Bakriste bonabeng, gomme ba ya godimo le go goelela, le go bolela ka maleme, le go tšea go hlapišana maoto le selalelo.

<sup>180</sup> Gobaneng, ke—ke, “Bjalo ka mpša e eya mahlatšeng a yona,” moprofeta o rile, “ba dira bjalo.” Ge selo sela e be e le sa lefase, sa swanelwa go ragelwa ntle ga lena, gobaneng le boela morago

go sona gape? Nnete. Ntle mo mekgotheng, ba nyokanyoka, ba e bitša, rokenrole, ba kota moriri, ba aparta dišothi. Oo, nna! Ba ipitša Bakriste bonabeng. A le ka . . . Aowa, bokaone ke se e bolele.

<sup>181</sup> Ke ka lebaka leo ke ba solago. Ge eba ke ya go dula le Lentšu le, ge eba Lentšu le le tla go nna, ke tla dula le Lentšu le. Se ke se se tlogo go nna, Lentšu. Le sole!

<sup>182</sup> A tleleima go hlhlwa ke Moya wo Mokgethwa, gomme a dira dilo tše bjalo. A le ka eleletša mosadi, a hlhlwa ke Moya wo Mokgethwa, a tlogela moriri wa gagwe o kotwa, mola wona Moya wo Mokgethwa o e sola? Gona Moya wo Mokgethwa ke Motho wa mohuta mang? A le kgona go eleletša?

<sup>183</sup> A le ka eleletša moreri a ema mo phuluphithing, gomme monna e ka ba mang a mo hlhla go mmontšha lefelo le letee e ka ba mang a kilego a ke a kolobetša a šomiša dithaetlele tša “Tate, Morwa, le Moya wo Mokgethwa,” gomme a go sega mo selebeneng sa gago le go go bitša lehlanya, ka go kolobetša ka Leina la Jesu Kriste, gomme a re o hlhliwa ke Moya, gomme a re o ne Moya wo Mokgethwa? A Moya wo Mokgethwa o ka gana Lentšu la Gagwe Mong? Aowa, mohlomphegi. Uh-huh. A le a e bona? Ke a holofela le a e hwetša.

<sup>184</sup> Ga ke tsebe ke nako ye ntši gakaakang. Mothuthupo wa go latela godimo o ka no nkhwetša. Eupša, go fihlela o dira, ke ya go ba ke eme thwi fale le Lentšu. Ge ke kopana le lena mošola ka Kahlolong, ke ya go ba ke eme thwi hleng le Lentšu leo. Leo ke le ke dumelago go ba Therešo.

<sup>185</sup> Aowa, ga o dire dilo boka tše, gomme gona wa ba le Moya wo Mokgethwa. Ke ile go mosadimogatša wa modiredi nako ye nngwe, a dutše fale a apere roko, e be e bogega go šišimiša.

Le re, “Ga o ne maloka.”

<sup>186</sup> Ke ne maloka. Leo ke Lentšu. Le rere lohle. O kgaoletša dilo tše, bontši bja bareri ba sesadi, ka gobane ga ba ne sebet- . . . Mohlomongwe ebile ga se o biletšwe go rera, le go thoma. Ya. Eupša mohlanka wa Modimo wa therešo o tla ema thwi le Lentšu lela. Nnete.

<sup>187</sup> Mosadimogatša wa modiredi a dutše fale, a patagane gohle ka gare ga roko, ka mangina a lekeletše, le meikapo godimo, le moriri wo mokopana wa go kotwa. Mola, Modimo o sola selo ka moka bjalo ka tšhila. Gomme gona o re o ne Moya wo Mokgethwa?

<sup>188</sup> Ke be ke rera fa ka Phoenix, e se kgale botelele, ka se sengwe boka seo, gomme mosadimogatša wa modiredi a dutše mo phuluphithing, ka moriri wo mongwe wa ye ya go kotwa sešemane a phitsitšwe gohle, le ka roko yeo ebile a ka se širetšego sekhethe sa gagwe sa ka tlase go phadimeng. A sa kgone go ya tlase godimo ga matolo a gagwe. E ka ba diintšhi tše nne goba

tše tlhano ka godimo ga matolo a gagwe, a dutše fale; a tabogela godimo le fase, a hlabeletša dipina. Ke e thuthupišitše feela ka maatla bjalo ka ge ke kgonne. Nnete, a ka se ntaletše morago. Ga ka letela. Eupša o tseba se e lego phošo le se se lokilego. Ge ke ema kua Kahlolong, ga e sa le diatleng tša ka gape. Gona tloga gomme o re . . .

<sup>189</sup> Monna, a bitšwago morutiši, yo ke sa rego eupša ga se yena, o dirile tshwayo letšatši le lengwe, pele ga ba bangwe ba bagwera ba ka ka go toropokgolo ye e rilego ke bilego ka go yona. Le tseba ngwanešu. Gomme ngwanešu yo o tla ka gare. O rile, gabotse, o rile, “Re bile le Ngwanešu Branham fa gatee.” Toropokgolo ye e rilego, gomme ntle Borwa. Gomme monna yo o rile, “Oo, Ngwanešu Branham ke monna wa go loka.” Le a bona? O tsebile bokaone go feta go fošetša e ka ba eng go semelo. O rile, “Ngwanešu Branham, eupša le se ke la theetša ditheipi tša gagwe, ka gobane di tla le hlakahlakanya.”

<sup>190</sup> Gomme go diragetše go ba yo mongwe wa bagwera ba ka a eme fale, o rile, “Feela motsotso, mohlomphegi! Ke be ke hlakahlakane go fihlela ke *ekwa* ditheipi.” Ya. Yeo ke phapano. “Ga ke kgone go kwešiša ka fao Modimo yo mokgethwa a ka beago dilo tše di bjalo ka tšela, bjalo ka ge bohle le dira.” Ya.

<sup>191</sup> Motho wa go swana, yo mongwe le yena, o eme ka go lefelo le le rilego e se kgale botelele, o rile, “Ngwanešu Branham ke moprofeta. O kgona go hlatha dilo. Le dilo boka . . . Eupša,” o rile, “bjale, se theetšeng Thuto ya gagwe, gobane ga a loka.” Bogaswi, tlhagišo ya go se hlalefe bjalo ka yela!

<sup>192</sup> A ga le tsebe gore ge e le . . . Ga ke moprofeta. Eupša ge Lentšu la Modimo e le therešo, Le tla go moprofeta. “Lentšu la Morena le tlile go baprofeta.” Ba bile bona ba hlatholotšego Lentšu. Gona, le a bona, ga o . . .

<sup>193</sup> Ebile ga e kwagale, go no širela ka morago ga kereke ya leina ya go se re selo ye e rilego, le lengwe la matšatši ale e tla thubega le go uta, le go senyega ka heleng.

<sup>194</sup> Eupša Lentšu la Modimo le tla kgotlelela go ya go ile. Godimo ga Leswika leo ke aga dikholofelo tša ka go ya go ile, godimo ga Lentšu la Morena. A nke se sengwe le se sengwe gape se nwelele. Ge nka loba mogwera yo mongwe le yo mongwe, se sengwe le se sengwe gape, segwera sa ka se ka go Kriste.

Dikholofelo tša ka ga se di agwe felo  
Go phala Mantšu la Jesu le toko;  
Ge tšohle go ntikologa soulo e neela,  
Gona O tla ba yohle kholofelo ya ka le go dula.

<sup>195</sup> Sethunya sela se thuthupile letšatši le lengwe. Ke bone. Ke naganne ke be ke hwile. Ke bile le maikutlo a khutšo. Ke lebeletše tikologong. Ke naganne, “Gabotse, ye ke yona.” Ke botse bofe kereke ya leina e tla ntirelago nako yeo? Ke botse bofe mokgatlo o tla ntirelago nako yeo? Ke be ke tla swanela go

ema mošola go dikahlolo tša go fiša tša Modimo, go ahlolwa ke Lentšu *le*.

<sup>196</sup> Le ge nka be ke ile ka tshuma, le go koba, le go mena, le go goga go arogana, batho ba bantši, eupša ke holofela go dira, go hwetša moko wa mmapale go tšwa fale, wa Lentšu la Modimo, gomme fale ka aga soulo bakeng sa Bokagosafelego. Yeo ke nnete. A nke Modimo a e bee ka diatleng tša Gagwe gomme a e age go ngwana wa go obamela.

<sup>197</sup> Monna o kgona bjang—o kgona bjang, a hlahlwa ke Moya wo Mokgethwa, go dira selo se sebjalo ka sela? Goba, mosadi ka Moya wo Mokgethwa, a dira dilo tše bjalo ka tšela? Aowa. Ke yo mokgethwa. Gomme ge Bophelo bja Gagwe bo le ka go wena, o a swana. O tla no ba bjalo ka Yena.

<sup>198</sup> Israele, bjalo ka rena, e naganne ba be ba atlega ka segwera sa bona le ba bangwe, gore go be go le tumelelo ya Modimo godimo ga sona. Bjale, le a tseba, re nagana seo lehono.

<sup>199</sup> Ke boletše le banna tsoko fa e se kgale botelele, ka hoteleng, matšatši a se makae a go feta, banna ba bagolo ka go dikgao tša bodumedi. Gomme ba rile go nna, “Modimo o netefatša gore O na le rena. Gobaneng, re godile ngwaga wa go feta, Ngwanešu Branham,” ke lebetše ke makgolo a makae, boka ao.

<sup>200</sup> Ke rile, “Yeo ga se nthatana e tee ya tetlego.” Uh-huh. Yeo ke nnete. Go gweba ka mmele go a oketšega, go oketšegile ngwaga wa go feta, e ka ba phesente tše masometharo; a seo se bontšhitše Modimo o be a na le go gweba ka mmele? [Phuthego e re, “Aowa.”—Mor.] Uh-huh. Uh-huh. Uh-huh. Kgontho. Huh! Nnganišano yeo ga ya loka. Aowa. O ka se e dire. Aowa, mohlomphegi. Modimo o ema le Lentšu la Gagwe. Monna yo mongwe e ka ba mang o tla ema le Lentšu la Gagwe, ge a botega. Go lokile.

<sup>201</sup> Ba naganne, gobane ba bile le segwera! Bjale, fa, re tla tsena, feela nakwana, go ditaba tša mmušo. Setšhaba sa rena se ganne Lentšu la Modimo, go no swana le Israele e dirile. Ba ganne Lentšu la Modimo, gomme batho ba bona, baprista ba bona, le baprofeta, le go ya pele, ba ba profetela tše botse. Gomme bona . . . Re ka dira eng eupša go profeta phošo, gobane go kgahlanong le Lentšu! O fedišitšwe. “Sa rena se segolo, setšhaba sa go ratega, se theilwe godimo ga . . . maitemogelo a rena a borakgolokhukhu ba rena.” Gona boela morago go se ba bilego le sona. Uh-huh. Nnete. Kgontho.

<sup>202</sup> Israele e be e le setšhaba se segolo. Lebelela borakgolokhukhu ba bona, eupša Modimo ga se a ba seketša. Moprofeta yola wa kgale wa hlogo ya lefatla o be a fošetša Lentšu go bona, gomme go diragetše feela tlwa ka tsela ye a boletšego. Balang histori ya lena fa gomme le hwetše ge eba ga se nnete. Go diragetše feela tlwa ka tsela ye a e boletšego. Gomme o ba sotše, efela, bona ba eme fale, gomme baprista ba bakgethwa ba apere

diaparo tše kgethwa, ba fafatša se; gomme ba be ba sa šuthiše seatla, tsela *ye* goba tsela *yela*, gobane e be e le se sengwe ka tsela *ye*, motlwae goba se sengwe.

203 Jesu o rile, “Lena le ba tataweno, diabolo, gomme mediro ya gagwe le tla e dira.” Ba Mo tšere gomme ba Mo ahlotše, gomme ba Mo fegile godimo ga mohlare, gomme ba Mmolaile. Nnete tlwa. Modimo o Mo tsositše gape. Ee, mohlomphegi.

204 Aowa, ba ka se ke. Re ka se dumele Amose lehono, le gannyane. Gomme lehono re dirile segwera. Re ne se re se bitšago lehono. . . Re nagana ke “tumelelo” ya Modimo, gobane mekgatlo ya rena e ya ata gomme—gomme se sengwe le se sengwe se ya ka tsela ye go lego. Re nagana ke “tumelelo” ya Modimo go yona. Le a tseba, ba tšoenne, ke a dumela, e ka ba milione tše pedi goba tše tharo tša Maprotestant. Gomme Makatoliki a ile dimilione tše dintši bontši. Le a bona? Ba nagana gore ke tetlego ya Modimo, ka bona go beng Katoliki. Maprotestant ba nagana ke tetlego ya Modimo, bona go beng Maprotestant. Huh! Ke ditšiebadimo. Ke ditlakala. Ke molora wa atomo. Ke kgalefo ya Modimo e agela godimo, go thuthupa. Yeo ke nnete tlwa.

Lena nthetšeng. Ke tla le botša Lentšu la Morena. Amene.

205 Re lebeleleng. Lebelelang lefase lehono. Lebelelang setšhaba sa rena. Re tšoenane le U.N. Ke eng ka go yona? Sehlopha sa bahlokamodimo. Gomme rena, ka sebete ebile go se dumelele thapelo go fiwa pele ga mananeo a rena a thoma.

206 A ga ke sa tšo bala fa, “Ba babedi ba ka sepela bjang ge ba sa kwane? Modimo ga a dire selo ntle le ge A e utollega bahlanka ba Gagwe, baprofeta. Ba babedi ba ka sepela bjang ge ba sa kwane?”

207 Ge, re ne Mohammedan, Buddah, baganamodimo, bahlokamodimo, baipoti, se sengwe le se sengwe gape, ka go yona. Le nagana—le nagana Modimo a ka dula ka go se sengwe boka seo?

208 “Gabotse,” le re, “seo, gabotse, re ka go segwera le bona. Re ne tšhireletšo yohle ya ba Bodikela.”

209 Ba bile le ditšhaba tšohle go ba dikologa, ka tšhireletšo. Eupša moprofeta yola o rile, “Modimo o tla le fediša. Yena Modimo yoo le mo hlankelago o tla le fediša, bakeng sa botlaela bja lena.” O tla bolela selo sa go swana mosong wo. O tla foša, go tšwa White House thwi tlase go ya go polasa ya go diila. O tla dira. O tla ba thuthupiša, ka Lentšu la Modimo. Ka kgonthe o tla dira. Yeo ke tsela ya moprofeta wa therešo.

210 “Re lebeleleng, dikereke. Oo, ke rena kereke ya Katoliki ya Roma ye kgole ye kgethwa!” Go boletšwe, ka Beibeleng, go ba SEOTSWA.

211 “Ke rena bapatriaka ba botate, dikereke tša Protestant, tšohle di kopane mmogo, le go bitšwa. . . e bitšwa Khansele ya



Dikereke tša Lefase.” Bommalegogwana ba SEOTSWA, Beibele e boletše. Yeo ke tlwa se E se boletšego. Uh-huh. Gomme efela re nagana, “Gomme bjale dikereke tšohle di ya mmogo.”

<sup>212</sup> Mna. Collins, mogwera wa ka, ngwanešu go tšwa California, goba, Arizona fale. Wa gago mo- . . . wa gago . . . Pete, [Ngwanešu Neville o re, “Elmer.”—Mor.] Elmer. Ke rile, “Gabotse, ke a thanka o ya go ye nngwe kereke ye nnyane ye kaone ya Methodist.”

<sup>213</sup> O rile, “Ke tšwile go yona ge ba tšoenane le Khansele ya Dikereke godimo fale.”

<sup>214</sup> Ke rile, “Modimo a go šegofatše. O batamela Mmušo, ngwanešu.” Uh-huh. Ee, mohlomphegi.

<sup>215</sup> Thutotaelo, go itshema ka setswalle le banna, le ka thuto ya bona ya madirwakemotho, gomme wa tlogela Lentšu la Modimo. Se re se hlokago ke moprofeša lehono, a thuthupiša Lentšu lela ka fale. Yeo ke tlwa. Ya.

<sup>216</sup> Bona, ba tšea phologo magareng ga bonabeng. “Oo, re tšoenne. Rena, Mapentecostal, kgontho, re tšoenne Khansele Ya Dikereke Tša Lefase, ka gobane ka fale re ne kopanelo. Re tla ba thopa.” Boka mosadi a eya ka pareng, go tagwa le monnamogatša wa gagwe, go mo thopela go Modimo. Bontši boka monnamogatša a eya le mosadimogatša, matšatši a, go ya pareng, go tagwa, go mo thopela go Modimo. Ditsiebadimo! Ema kgole le lefelo la diabololo.

<sup>217</sup> Ge e ka ba eng e gana Lentšu lela, ke kgahlanong le yona. Seo se ntira kgahlanong le mokgatlo wo mongwe le wo mongwe, gobane o kgahlanong le Lentšu. Go swanetše go dira modumedi yo mongwe le yo mongwe go ikwa ka tsela yeo. Huh!

“Gabotse,” ba re, “eupša, elela, re ne . . .”

<sup>218</sup> Ke ne seripa se segolo ka pampiring, yo mongwe o nthometše go tšwa Arizona, ka ga ka fao mopatriaka yo *Semangmang*, letšatši le lengwe, o rile, “Mopapa John wa Masomepedi Pedi,” goba e ka ba eng ba mmitšago, “o bile . . . Ke monna yo mokaone. Ke monna a nnoši yoo a kilego a ke a bolela go kopantšha dikereke, Makatoliki le Maprotestant, mmogo.” O rile, “Go ka no se tle mo matšatšing a rena, eupša, mengwaga ye e latelago ye lesometlhano goba ye masomepedi, e tla ba gona.”

<sup>219</sup> Ke naganne, “Mošemane, wena go beng mopatriaka, o a profeta, gomme ga o e tsebe.”

<sup>220</sup> “Go thari go feta re nagana.” Mothaka yoo a nngwaletšego yona, o ngwadile ka godimo ga letlakala, “Go thari go feta re nagana.” O be a theeditše ditheipi, le yena. Ee, mohlomphegi. O rile, “Go thari go feta re nagana.” O rile, “Ngwanešu Branham, a ga se o bolele seo, mengwaga ya go feta?”

<sup>221</sup> Ke rile, “Kgontho.” Ee, mohlomphegi. Go a phethagala, gobane ke Lentšu la Morena. Le swanetše. Kgontho. Ya.

222 Ba re, “Gabotse, mopatriaka yo mokgethwa yo, a ga o nagane o swanetše go tseba se sengwe go feta seo?” Aowa, mohlomphegi. Ge a gana Lentšu la Modimo, go lebelela ka go Lona ka mokgwa wola, a ka se ke.

223 Ga ke kgathale ke bontši bjo bokae bja bomopapa, baprofeta, le e ka ba eng gape le nago magareng ga lena. Ge le arogile go Lentšu, le arogile go Lentšu. Yeo ke nnete. Modimo a ka kgona bjang go šegofatša selo se sebjalo, ge feela ba gana lona Lentšu la Modimo? A ka kgona bjang go šegofatša e ka ba eng ka ntle ga Lentšu la Gagwe, se sengwe seo se lego kgahlanong le Lentšu la Gagwe? A ka kgona go Le gana bjang?

224 O kgona bjang go šegofatša kankere yeo e go jago? O kgona bjang go šegofatša le—le—le lethale la mohlagase leo o le swerego, wa re, “Oo, ntshware gomme o ntshume”? Seo e tla ba bogaswi.

225 Modimo a ka kgona bjang go šegofatša e ka ba eng yeo e lego kgahlanong le Lentšu la Gagwe? Kafao boelang morago go Lentšu! Uh-huh.

226 Lena sehlopha sa bareri, bjalo ka dimpša tša go tsoma, bothata ke eng ka lena? O ya ntle fa gomme wa rekiša tokelo ya gago ya tswalo bakeng sa dijo, go otlela tikologong ka Cadillac tsoko goba se sengwe, goba ye nngwe ye kgolo, ntlokgoparara ye telele felotsoko, le kereke ye kgolo ya milione wa ditolara. Gomme dilo tšeo tšohle boka tšeo, gomme wa rekiša tokelo ya gago ya tswalo, le go lewa ke hlong le go boifa go rera Lentšu la Modimo go phuthego ya gago. A ke re, a ga o lewe ke hlong wenamong? Gomme wa ipitša mohlanka wenamong, moprofeta wa Modimo, o rekiša ditokelo tša gago tša tswalo bakeng sa tlhakahlakano ya lefase. Ke eng o tla e phaphašago? Sa go swana Esau a se dirilego. Oo, a kgobogo!

227 Oo, aowa! Modimo yo mokgethwa o šetša godimo ga Lentšu la Gagwe, go Le hlatsela, a ka se šegofatše se sengwe seo se lego kgahlanong le Lentšu la Gagwe. Bjale theetšang. Ke a tseba ke no ba ke kitima thari gannyane nthatana, gomme nka no be ke le kgama go iša lehung. Eupša, lebelelang, ke nyaka go le botšiša se sengwe. Modimo yo mokgethwa o kgona bjang, Yo a boletšego Lentšu la Gagwe gomme o rile, “Bjale, bobedi legodimo le lefase di tla feta, eupša Leo le ka se fete, le ge e le Lentšu le tee la Lona,” bjale O kgona bjang go tšea se sengwe seo se lego kgahlanong le Leo gomme a se šegofatša? O kgona bjang go dira seo? Lebelelang. O a netefatša, Yenamong. O hlatsela Lentšu la Gagwe. O bolela se se lokilego, e sego ka boleloko.

228 Lebelelang Moaba. Moaba o bile le Lentšu la Gagwe, le yena, Moaba. Israele o bile le Lentšu la Gagwe; gomme Moaba o bile le sebopego sa bomodimo, ka Lentšu la Gagwe. Ba neetše dihlabelo tše šupago, dipowana tša go hlweka, godimo ga dialetara tše šupago; palo ya go phethega, sehlabelo sa go phethega. Gona, ntle le seo, o tšere dikgapa tše šupago, go bolela gore ba dumetše

ka go tlang ga Morwa wa Modimo, gomme ba di neela godimo fale, le mopišopomogo wa bona yo mogolo. Bahlomphegi bohle ba bona, baprista ba bona bohle le baprista ba bagolo, se sengwe le se sengwe gape, ba eme tikologong le dikgoši le dipresitente tša bona, le e ka ba eng gape, gomme ba neetše se feela ka bodumedi ka fao ba kgonnegong go ba, kgahlanong le Israele.

<sup>229</sup> Gomme Israele e be e le tlase fale, sehlopha se sennyane sa magwaragwara, ba lebegile o ka re. Eupša ke eng e bego e na le Israele? Modimo o be a le ka go masolo a bona. O be a inetefatša Yenamong, gore O be a ne bona. Le a bona?

<sup>230</sup> Ga go tshwenyega ke bontši bjo bokaakang bja bapatriaka ba bilego le bona, bomopapa, goba e ka ba eng gape, Modimo ga a kgone go ba le bona go fihlela A inetefatša Yenamong le bona. Gomme ge feela ba arogile go Lentšu la Gagwe, gomme ba gana Lentšu la Gagwe, O kgona bjang go ba le bona? Ga go maswao a Modimo yo a phelago magareng ga bona.

<sup>231</sup> Modimo o kgona bjang go ba magareng ga U.N., mola ba babedi ba ka se kgone go sepela ntle ge ba dumelelane?

<sup>232</sup> Bjale, lebelelang mo. Go ne Church of Christ, e bitšwago bjalo, e tšoenne le Mapentecostal. Pentecost e re ba dumela go go bolela ka maleme. Ba dumela go bohlatse bja Moya wo Mokgethwa, go bolela ka maleme. Ba re ba dumela go se, seo, le se sengwe. Ba dumela go maswao le matete. Church of Christ e a ba sega, e re, “Lena sehlopha sa diphantha! Ao e bile matšatši a a fetilego.” Ba babedi ba ka sepela bjang mmogo ntle le ge ba dumelelana? Gomme ba tšoenne mmogo. Ba dira eng? Ba nyaka phologo le bona seng. Kgole le selo se sebjalo!

<sup>233</sup> Phologo ya ka e ka go Kriste le Lentšu la Gagwe, ka gore Lentšu la Gagwe ke Yenamong. Yeo ke nnete.

Ga go maswao a Modimo yo a phelago, le gannyane.

<sup>234</sup> Seo ke se Jesu a se boletšego, “Ge Ke sa dire Lentšu go bonagala, gona se Le dumeleng. Ge Modimo a sa bolele le go profeta ka Nna, le go bolela ka Nna le go dira ka Nna feela se Mesia a swanetšego go se dira, gona le se Ntumeleng.”

<sup>235</sup> Gona, mothaka o bolela gore ke yena moprofeta a ronngwe go tšwa go Modimo, gomme a gana Lentšu? Modimo gaogela selo se sebjalo! Modimo a ka tsoge a dirile bjang se sebjalo?

<sup>236</sup> A nke ke botšiše, ke botšiše, ke se bjale. Ga—ga ke tsebe ke tla bolela le lena neng gape. Seo se tla ba go ya ka Modimo. Ke no be ke bea Dijo, boka A mpoditše ka go pono yela nako yela, go Di bea ka dišegong.

<sup>237</sup> Le ka mpotšiša, “Amose o kgonne bjang go bonelapele se se bego se yo ba diragalela?” Gobaneng, go bonagetše go lokile.

<sup>238</sup> Lebelelang. Bjale lebelelang fa. Bjale, theetšang kgauswi bjale. Gobane, Ye yohle e ka go theipi, gomme E a ya, E tla ya lefase ka bophara. Le a bona? Bjale ka fao . . . Lebelelang fa.

239 Go be go ne Israele. Diseminari tša bona di be di le ka sebopego se sekaone go phala go kile gwa ke gwa ba. Ga go yo a ba tshwenyega. Ba bile le mabodumedi a bona beng. Ga go yo a rilego, “Le ka se rapele Jehofa.” “Eyang pele,” go boletše ditšhaba tša bahetene, “rapelang. Re ne kwano, seng sa rena.”

240 Moprofeta yola o bone go kgabola seo. Le a bona? Go bjalo le moprofeta lehono o tla bona go e kgabola. Le a bona?

241 “Eyang pele.” Gomme Israele e rile, “Gabotse, a re jeng, re nweng, gomme re hlalale.” Kafao ba bile le sehlopha mmogo gomme ba itirela bona dithutotumelo tsoko, le mekgatlo, dikereke tša maina, le dilo, le go e lokiša yohle. Gomme basadi ba bona ba nno phela manobonobong le sebeng ntle fale. Mošemanane, ba rwelwe tikologong ka dikhabarete le se sengwe le se sengwe, ba apere seripa, ba apere dikhete tše nnyane tša go bogega siliki. Ge eba le kile la ke la bona ye nngwe ya histori ya bona—ya bona ya ona matšatši, ka fao ba lebegilego, oo, e nyakile go ba tee tharo bobbe bjalo ka ge ba dira lehono. E sego tlwa, efela, gobane ba ka se kgone. Ya. Gomme ba e dirile bjang le go tšwelapele ka mokgwa wola; le dikgoši, le baprista, le yo mongwe le yo mongwe gape.

242 Jesu o rile, “Le metša metse ya bahlologadi, lena baikaketši.” O e boletše. Gomme dilo tšohle tše ba be ba di dira.

243 Moprofeta yola a eme fale, a lebeletše fase godimo ga seo, setšhaba sela boka seo, ga go makatše pelo ya gagwe e kgaogile go tšwa go yena. Ee, mohlomphegi.

244 Bjale, le re, “O tsebile bjang se se bego se eya go direga? O kgonne go e bonelapele bjang? Bjang?” Yohle e lebelegile go loka. Gobaneng, ba ne bontši go ja. Ba ne bontši go apara. Bona, ba ne dikereke tša bona tše kgolo. Ba a atlega. Tšhelete e bjetšwe mogohle, manobonobo. Ditansi mo mokgotheng, boitshwarahlephi, le se sengwe le se sengwe gape se no ya pele, gomme se sengwe le se sengwe se sepela bokaone. Go no swana le Amerika lehono. Thelebišene e tletše ka metlae ya ditšhila, basadi ba go hlobola seripa, se sengwe le se sengwe gape. Se sengwe le se sengwe o se bonago e no ba leraga le sebe. Ga wa swanela go lebelela thelebišene, nno bula mahlo a gago, lebelela mogohle. Basetsana, bašemanane, banna, basadi: ba a kgoga, ba a nwa. Bona boIsabele ba ba ipitšago Bakriste bonabeng. Bodiabolo ba ditšhila ba ipitša bonabeng Methodist, Baptist, Presbyterian, Katoliki, Mapentecostal. Uh-huh. Uh-huh.

Ga go makatše go sesefaditše mahlo a gagwe ge a lebeletše. Huh! Yeo ke nnete.

245 “Yohle e bonagetše e lokile. O ka kgona go e phološa bjang? Ge eba re ya go dira . . . Bjang? Bjang? Lebelelang fa. Gabotse, re—re ne milione bontši. Re—re ne . . . Re . . . Meago ya rena e, oo, dikereke tša rena ke tše kgolo kudu, re swanetše go aga dikereke tše dimpsha. Gabotse, re ne tšhelete ye ntši bjalo, ga re tsebe re

dire eng ka yona. Gobaneng, re no aga mafelo a makaonekaone ka se—ka se setšhabeng. Dikereke tše kgolokgolo tše di lego gona, ke tša rena. Gomme re sa ne tšhelete ye ntši. A ga le nagane Modimo o re šegofaditše?” Aowa. Le tlogile go Lentšu la Gagwe.

246 “Gomme, Ngwanešu Branham, o ra gore Modimo o ya go fediša se?” Ee, ye nngwe le ye nngwe ya tšona.

“O tseba bjang?” Amose, o tsebile bjang?

247 Feela boka ngaka e hlodišiša taba. Ge a hwetša bolwetši bjoo bo lego go molwetši, o tseba ke eng go dirwa. O tseba se molwetši yola a nago le sona. O tseba bo kekile gakaakang. Gomme o tseba se se yago go direga. Yeo ke tselo ya moprofeta, moprofeta wa therešo, ge a bona. Ga ke kgathale se o se dirago. Ge a bona sebe se keka, ke kankere ye e jago. Gomme e kekile bjalo, ka go Mapentecostal le bohle ka moka ga bona, e ka se boele morago. E ka go seemo sa go keka kudu. Ba ya go senyega.

248 Ke ka fao Amose a kgonnego go hlodišiša taba. O e hlodišišitše ka Lentšu la Modimo. Ke ka fao a kwal-... moprofeta wa therešo o hlodišiša taba, gomme a re go bona basadi, “Le se ke la tsoge la leka go ya Kahlolong ka moriri wa go kotwa, mola le tseba bokaone.” O re go lena banna, ka moka ga lena, le lena bareri ba ganago Lentšu, gomme le ne sebopego sa bomodimo, gomme le tšoenla mekgatlo, go efoga taba, ge le tseba bokaone. Le lebelela Lentšu la go swana baprofeta ba therešo ba tla le lebelelago. Go hlodišiša ga taba go rile, “Lehu! Karogano!” Go no swana le ngaka, o tseba taba. O tseba ke mohuta ofe wa ditaetšo e nago.

249 Lebelelang setšhaba se. Ge le re, “Pentecostal e fedile.” Mola, ebile ba ka se go dumelele go tla kerekeng, gobane o rerela basadi ka ga moriri wa go kotwa, gomme Beibele e a e sola. O boifa o tla bolela se sengwe ka ga . . .

250 Fa letšatši le lengwe, ge ke be ke lokišetša masolo a mangwe, Roy Borders o be, ka Lebopong la Bodikela, ba mo tlišitše mmogo, sehlopha sa badiredi, e ka ba, oo, ke a thanka masomenne goba masometlhano a bona, moo ke bilego le kopano ye kgolo. Ba rile, “Mna. Borders, ke nyaka go go botšiša se sengwe.” O rile, “A ke therešo gore Ngwanešu Branham o šomiša Leina la Morena Jesu Kriste go kolobetša?”

251 Mna. Borders, mokgomana wa go hlomphega, bjalo ka ge le tseba Ngwanešu Borders go tšwa fa. O rile, “Bahlomphegi,” o rile, “Ngwanešu Branham, ge a le ntle ka masolong, ntle, ye,” o rile, “ga a rere. O no ya pele le go rapelela balwetši. Seo ke mabapi le se a se dirago.”

252 O rile, “Seo ga se se ke go botšišitšego,” gwa realo mopotologi. “A o a?” Bjale, ba bile le ditheipi. Ba a tseba. O rile, “A o kolobetša ka Leina la Jesu Kriste?”

253 O rile, “Ee, ka kerekeng ya gagwe mong. Ke lefelo le nnoši a kolobetšago, ka kerekeng ya gagwe mong.”

254 O rile, “Yeo ke yona. Seo ke sohle ke nyakago go se tseba. Ga re mo nyake. Ga re nyake bokgelogi magareng ga batho ba rena.”

255 Gomme letšatši le lengwe, ge mogwera wa ka wa go loka, Ed Daulton, o hweditše lengwalo go tšwa kerekeng ya Baptist. O rile, “Re go kgaola go tloga go kopanelo ya Baptist, gobane o tšoenne bokgelogi bja go kolobetšwa ka Leina la Jesu.”

256 Ke rata go ema le Paulo, “Ka go se lefase le se bitšago bokgelogi, yeo ke tsela ye ke rapelago Modimo, gobane ke Lentšu la Gagwe.” Ee, mohlomphegi. Ya. Oo, kgonthe.

257 Ngaka e hlodišiša taba. O bona fao e lego. Moprofeta wa therešo o hlodišiša taba, ka Lentšu. O eng? Ngaka e hlodišiša taba ya gagwe, ka ditaetšo. A ke nnete? [Phuthego e re, “Amen.”—Mor.] O lebelela ditaetšo gomme o bona seo e lego bothata ka molwetši. O bona ka fao bo kekilego, gomme a re, “Ga go se se ka go dirwa.”

258 Gomme moprofeta wa therešo o tšea Lentšu la Modimo gomme a hlodišiša ditaba, a lahlela Sehlare ka go yona. Gomme batho ba Se lahlela morago sefahlegong sa gagwe. Go ya go direga eng? Go senyega, ke phetho; baratamaipshino, sehlopha sa go thalwa ke lefase sa ba go bitšwa baikaketši! Eupša yeo ke tsela ya moprofeta wa therešo. Le a bona? Oo, nna!

259 O bona bolwetši. O bone gore ba tlogile kgole le Lentšu. O bone Lentšu. Gomme o tsebile dipelo tše di bego di etla. O bone manobonobo ba bego ba phela ka go ona, o bone tsela ye bona basadi ba bego ba dira. O bone tsela ye bona baprista ba bego ba dira, ka fao ba tlogilego kgole le thapelo ya therešo ya Modimo, le dilo boka tšeo. Fao, o bile le—o bile le karabo. O rile, “Modimo yo le tleimago go mo direla o tla le fediša.”

“Gobaneng?”

260 “Ga se la boloka Melao ya Ka.” Gomme efela ba naganne o dirile. A ga ke sa tšo e bala fa? Temana ya 2, ya 4. . . tema ya 2, temana ya 4, “Gobane ke le kgethile go ba. . . Go meloko yohle ya lefase, ke kgethile lena, gomme efela le gana go sepela ka go Melao ya Ka.” Le nagana. . .

261 Yola yo monnyane, moprofeta wa hlogo ya lefatla a eme fale ka ditedu tšela tše dipududu; a thadilwe ka mahlong a gagwe, a lauma mollo; a bolela le sehlopha sela sa baprista le dilo, gomme o rile, “Modimo yoo lena baikaketši le dirago o ka re le a mo direla, Modimo yola wa go swana o tlo le fediša.” Le nagana o tla hwetša tirišanommogo? Huh! O rile. . . Oo, nna! Yena, mo leke lehono gomme o bone ge eba o tla dira. Aowa. Eupša o eng? Yeo ke tsela ya moprofeta wa therešo. O bile le Lentšu. O tsebile se Le bilego.

Boka Mika wa kgale. . .

262 Lesea le lennyane leo ke le gafetšego, ke fetile ye nngwe ya yona, metsotso e se mekae ya go feta, gobane ke hlaganela nako.

263 Eupša, Mika, ge a eme pele ga Ahaba, o ba lebeletše. O tsebile Lentšu. Mika o boletše Lentšu go bona. Gobaneng? Mika o ahlotše pono ya gagwe, Thuto ya gagwe, ka Lentšu la Modimo. Gomme o bone gore Thuto ya gagwe le Lentšu di be di swana. Gobane, Lentšu le rile O tla rogaka Ahaba, gomme O tla dira dimpša go latswa madi a gagwe. Seo ke se Lentšu le se boletšego.

264 Kafao, Mika o bile le pono. Ke gore, o be a le moprofeta. “Bonang se Lentšu le tlogo go nna.” Gomme o rapetše, “O Morena Modimo, ke dire eng? Ke eng ke swanetšego go bolela go sehlopha se sa bareri se emego fa? Mekgatlo yohle še mo. O mongwe le o mongwe ka nageng o kgobokane kgahlanong le nna, Morena. Šefa ke eme pele ga kgoši. Ke eng ke swanetšego go e bolela?”

265 Gomme o tsene ka ponong. O rile, “Rotogang. Rotoga.” O rile, “Eupša ke bone Israele e šwalalane boka dinku di se ne modiši.” Ya.

266 Mopotologi yola—yola wa selete o sepeletše godimo gomme a mo phasola molomo, gomme o rile, “Ke kae mo Lentšu la Modimo le tlogo, Moya wa Modimo, go ya, ge Le tlogile go nna?” Go tloga go yena?

267 Le tseba se Modimo a se boletšego? O dumeletše diabololo go ya tlase, go tsena magareng ga bona, gobane ba be ba arogile go Lentšu, le go thoma.

268 Beibele e rile, “Ge ba sa dumele Lentšu, O tla ba fa bofora bjo maatla, go dumela maaka, gomme ba senywa ke ona.” Seo ke tlwa se mekgatlo ye le batho ba setšhaba se ba se dirago lehono, ba dumela maaka, go senywa ke ona. “Ka gore ga go ne Leina le lengwe ka tlase ga Legodimo ka lona le swanetšego go phološwa.” Bapela, mekgatlo, go ya pele. Ee.

269 Bjale, ke eng ba ba bangwe...?...Ke eng baprofeta ba ba bangwe ba se lebeletšego? Ba be ba le baprofeta. Ee, mohlomphegi. Ba be ba le baprofeta. Eupša ge ba ka be ba eme le go hlahloba seprofeto sa bona ka Lentšu!

270 Ge Mamethodist a ka ema lehono le go hlahloba seprofeto sa bona, ba ka se tsoge ba fafatša motho yo mongwe. Ba tla amogela Moya wo Mokgethwa. Ba tla kolobetša yo mongwe le yo mongwe ka go karabetša, ka Leina la Jesu Kriste. Ge Maasseblies of God ba ka ema lehono le go lebelela seprofeto sa bona, ba tla tla morago go Lentšu. Ge Maoneness, lehono, ba ka ema le go hlahloba seprofeto sa bona, ba tla tla morago go Lentšu.

271 Eupša, le a bona, ge bona baprofeta ba ka be ba eme le go hlahloba seprofeto sa bona! Ba file mabaka. Ba rile, “Yela ke ya rena. Kafao re tla rotogela Ramothe Giliade gomme re tla e tšea, gobane ke ya rena. Joshua o re file yona.”

Eupša Mika o rile, “Seo se a kwagala.”

272 Eupša seo ke se se lego. Ga le nyake go fa mabaka. Le nyaka go dumela se Modimo a se boletšego. Le se fe mabaka selo.

273 Go ka reng ge Abraham a ka be a file mabaka? A ka be a kile a ke a tlogela naga ya gabo bjang? O be a ka ba bjang bogolo bja mengwaga ye lekgolo, a sa fa Modimo ditheto, gomme bona ba eya go ba le lesea ka Sarah, gomme yena masomesenyane?

Lahlelang go bea mabaka kgole. Le no dumela.

274 Le dumelela diabololo go le botša, “Le a tseba, Ngwanešu Branham ga se selo eupša moikaketši.”

275 “Bjale, bjale ke a leta, anke ke bone ge a le. Anke re bone ge eba o ruta nnete. Anke ke boele morago go Beibele.” O se, o se ye. . . A ka se go dumelele o dire seo. Aowa, aowa. Le a bona?

276 Eupša o tla bolela se sengwe se sempe ka nna, se a ka no go ba le tokelo, gona o no ya pele o hwetša seo, ema gomme o thome go fa mabaka, “Ya. O be a se a swanela go be a dirile se. O be a se a swanela go be a dirile *sela*.” Le thoma go ntebelela, gabotse, le no ba le bontši.

277 Gomme le ka be le kgonne go hwetša go lebelela go Morena Jesu. Le ka hwetša bontši. Lebelelang go Yena, feela motsotso. Ke ya go bea yo mongwe le yo mongwe wa lena modiredi. Bjale re ya go lebala O kile a ke a ba lefaseng. Šo Mošemane yoo a netefaditšwego, setšhaba ka moka godimo, gore Yena ke ngwana—ngwa Ngwana wa hlaba. Mmagwe o bile le Yena pele yena le tate wa Gagwe ba kile ba ke ba nyala. Go netefaditšwe. (Bjale, ga ba ye go Lentšu, “Kgarebe e tla ima.”) Ba no ya go se ba se kwago, le a bona, “Ngwana wa hlaba.” A ga se ba Mmotša O be a tswaletšwe sebeng, gomme a leka go ba ruta? Nna ke. . . Le a bona?

278 Gomme lebelelang se A bego a se dira. Gabotse O be a kgeila kereke ye nngwe le ye nngwe e bilego gona ka nageng. A yeo e be e le nnete? [Phuthego e re, “Amene.”—Mor.] Mekgatlo, se sengwe le se sengwe gape.

279 O be a le eng? “Feela Mošemane wa go gola kudu a sepela tikologong ka mokgwa wola, Moisa yo moswa, ga a ne kereke ya leina. Mpotše ke Wena wa kereke efe. Tate wa Gago ke mang? O re Josefa ga se tate wa Gago?”

“Josefa ga se tate wa Ka,” O tla rialo.

“Gabotse, Tate wa Gago ke mang?”

“Modimo ke Tate wa Ka.”

280 “Gabotse, O lehlanya! Ke seo O lego sona tlwa. Wena, o le Motho, gomme o re Modimo ke Tate wa Gago?”

281 Ge nkabe ba e hlahlobile ka Lentšu! Haleluya. A ga le bone se? Lentšu le be le dirilwe nama. Ga se ba hlahloba pono ya bona ka Lentšu. Yeo ke yona.



282 Seo ke se e lego bothata lehono. Ga le hlahlobe dipono tša lena ka . . . seprofeto sa lena—sa lena le thuto ya lena, ka Lentšú la Modimo. Yo mongwe o leka go le botša Therešo, morago le wa le bona, go no swana le Amose a ka, Amose a dirile. Le dira selo sa go swana.

283 Bjale lebelelang fa. O ka go seemo se. Bjale, le ka be le Mo sotše, mohlomongwe, yeo ke nnete, ge nkabe le sa nke la boela morago go Lentšú. Ba dira sa go swana. Ba a Mo sola lehono.

284 Go ka reng ge lena basadi, *fa le fa*, ya, gobaneng le sa hlahlobe dikgopolo tša lena tša moriri wa go kotwa ka Lentšú, gomme la bona se Le se bolelago? Le a bona? Gobaneng le sa dire dilo tšeo?

285 Gobaneng le sa hlahlobe kolobetšo ya lena, ya “Tate, Morwa, Moya wo Mokgethwa,” “thrinithi” yeo ya maaka, e bitšwago, ye e sego selo ka lefaseng eupša diofisi tše tharo tša Modimo o tee, dithaetlele? Ga go *leina* la “Tate.” Ga go selo se sebjalo bjalo ka *leina*, “Tate, Morwa, le Moya wo Mokgethwa.”

286 Leina la Tate, Morwa, le Moya wo Mokgethwa, e lego, “Morena Jesu Kriste.” Hlahlobang kolobetšo ya lena le tselo ye yo mongwe le yo mongwe ka Beibeleng a kolobeditšwego. Ge le ka hlahloba kgopolo ya lena ka Lentšú, le—le tla boa morago gomme le tla kolobetšwa ka Leina la “Morena Jesu Kriste.”

287 Seo ke se Paulo a ba boditšego go dira. Gomme o rile, “Ge e ka ba mang a rutilo e ka ba eng go fapana, anke a be—anke a be morogakwa, ebile le ge Morongwa a fologetše fase.”

288 Le a tseba, dinako tše dintši, Barongwa ba fologela fase. Mošemane, Pentecost e ja seo bjang!

289 Go ka reng ge Mokgethwa Martin a be a eme fale, gomme fa go eme sephedi se segolo sa go phadima pele ga gagwe?

290 Monna yo a kolobeditšego ka Leina la Jesu, yo a dumetšego go Moya wo Mokgethwa, le go boloka Lentšú! Gomme Baroma ba mo ragetše ntle, le go dira se sengwe le se sengwe go yena, go leka go mo fa thutotumelo le dithuto tša bona tša madirwakemotho. Monna yola o eme godimo ga Lentšú.

291 Letšatši le lengwe, ka maatleng a gagwe, bodiabolo ba tla tla go yena le go leka go bolela le yena. Ga se a ba fe šedi.

292 Letšatši le lengwe, Sathane a tla ka mokgwa wola, boka Kriste, a rwele mphaphahlogo, a apere dieta tša gauta, a eme fale gomme o rile, “A ga o . . .” Malakabe a mollo a mo dikologile. O rile, “A ga o ntemoge, Martin? Ke nna Morena wa gago. Nthapele.”

Martin o mo lebeletše. “Go ne se sengwe sa phošo fale.”

293 O rile, “Martin, ga o kgone go ntemoga?” O rile, “Ke nna Morena le Mophošoši wa gago.” O rile, “Nkhunamele.” O boletše seo makga a mararo.

294 Gomme Martin o lebeletše go dikologa. O bone, Kriste o tla rwešwa mphaphahlogo ke batho ba Gagwe, mo go Tleng. A ka se be a apere dieta tša gauta. O rile, “Eya kgole le nna, Sathane.”

Mošimane, a Mapentecostal a ka se je seo? “Mošemane, Morongwa wa go phadima go taga!”

295 Mosadi yola o tlile tlase, Chicago moo ke yago, o rile, “Ngwanešu Branham, badiredi godimo fale ba rile ge Morongwa wa Morena a go boditše go kolobetša ka Leina la Jesu, ba tla e amogela. Eupša a woo ke monagano wa gago?”

296 Ke rile, “Ge Morongwa wa Morena a boletše e ka ba eng kgahlanong le Leo, e ka se be Morongwa wa Morena.” Le a bona?

297 Ge Morongwa e ka ba ofe a bolela e ka ba eng kgahlanong le Lentšu *le*, anke e be maaka. Gomme ge motho a le botša, motseta go tšwa go Modimo, a re o tšwa go Modimo, gomme a le botša, “Go lokile go kolobetšwa, leineng la ‘Tate, Morwa, Moya wo Mokgethwa,’” anke a be moaketši.

298 Ge motho a le botša, “Go lokile go lena, go apara moriri wa go kotwa, le dilo boka tšeo; gore le swanetše go apara kefa ka kerekeng, bakeng sa ponete, ‘go ba seapešo,’” a nke a be moaketši.

299 Lentšu la Modimo, ke Therešo. E ka ba efe ya dilo tše tšeo di lego kgahlanong le Lentšu, anke e be maaka. Ke Lentšu, ke Therešo. Le tla ema.

300 Ke ka lebaka leo Mika a kgonnogo go tseba gore seprofeto sa gagwe se tšwa go Modimo, gobane se be se le se Lentšu la Modimo. Ee, mohlomphegi. Pono ya gagwe e sepelelane feela go swana bjalo ka Lentšu la Modimo.

301 Oo, ge Amose nkabe a le fa, o be a tla ema le Lentšu. Yeo ke nnete. Eupša, le a bona, se e lego bothata lehono, ka rena, go swana le ge go le le bona. Ke lokišetša go tswalela. Bothata ka rena go bjalo ka ge go bile bona. Ba be ba rutilwe, go tloga go Motheo. Jesu o rile, “Le dirile Lentšu la Modimo la lefeela ka metlwae ya lena.” Le kolobetšo yela ya maaka! Leswao lela la maaka la go amogela Moya wo Mokgethwa! Ba bangwe ba bona ba rile, “Šikinya seatla.” Ba bangwe ba bona ba rile, “Bolela ka maleme.” Ke kwele bodiabolo ba bolela ka maleme, le go šikinya diatla, le bona. Ee, mohlomphegi. Ga go leswao la Yona. Bjale, dilo tše tšohle tše boka tšeo, dilo tšeo tšohle, le a bona, le tloga go Lentšu la Modimo go ruta metlwae yeo. Yeo ke nnete.

Bjale, o tla, o tla swanela go le bušetša morago go Lentšu.

302 Eupša re ne, barutiši ba rena lehono, ba rutile batho, go tloga go Motheo wa Lentšu la Modimo. Bjale theetšang kgauswi.

303 Seo ke se ba se dirilego fale. Se ke se Amose a ba boditšego. “Modimo yoo le tleleimago go mo tseba, Ke Yena a yago go le fediša.”

304 Bjale, re ba rutille, go tloga go (eng?) Motheo wa “Tumelo yeo e kilego ya fiwa botate ba pentecostal,” ya, Beibele. Ba rutille phekathori ya maaka! Ba rutille kolobetšo ya maaka! Se sengwe le se sengwe, maaka, maaka, maaka, go arogana go tloga go sa Setlogo.

305 Ga le e dumele? Etlang morago go Beibele, gomme le tšee “phekathori” ya lena, gomme le tšee ya lena “Tate, Morwa, Moya wo Mokgethwa,” le “go fafatša,” le selo sohle seo, gomme le tle morago gomme le bone ge eba ke Lengwalo. Yeo ke tsela. Hwetša ge eba e go Motheo. Le a bona? Ba tlogile go Motheo.

306 Woo, Paulo o boletše gore . . . Beibele—Beibele e bolela gore ba—ba . . . gore, “Kereke ya Modimo e theilwe godimo ga Thuto ya baapostola le baprofeta.” Baprofeta le baapostola ba swanetše go swana. Kgontho.

307 Eng? Re tlogile go Motheo wola wa Lentšu, go ya go metheo ya kereke ya leina.

308 Theetšang bjale. Ke a tswalela. Rwalang dithušagokwa tša lena tša semoya. Theetšang.

309 Re tlogile go Motheo wa Lentšu, gomme go motheo wa kereke ya leina. Ke botelele gakaakang nkago dula go seo? Diiri tše dingwe tše tharo. Go tloga go Motheo wa Lentšu, godimo ga motheo wa maipshino a lefase, bolefase, bohlaswa bo nanampela ka kerekeng. Go tloga go Lentšu, godimo ga dithutotumelo. Seo se tla ntšea dibeke tše tharo go rera seo go fetša, seripa sa tsela, tšona ditshwao tše nne thwi fa. Go tloga go Lentšu, godimo ga kereke ya leina, lentšu la kereke ya leina. Ka pela ge ke—ke kereke e eba kereke ya leina, e tlogile go Lentšu thwi nako yeo.

310 Ga go eupša selo se tee. Etlang thwi morago moo le le tlogetšego, gomme le ye gape. Etlang morago godimo ga Lentšu. Yeo ke nnete. *Sokologang* go ra go “ya, go retologela morago, go boiša sefahlega.” Le ya tseleng ya phošo. Go lokile.

311 Kereke ya leina ya boipshino. Kereke ya leina ya tha- . . . Mo—mo motheo, ke ra, wa—wa boipshino, motheo wa bolefase, motheo wa dithutotumelo. Gomme tšeo tšohle, mmogo, di phaphašitše tshenyego ya bohlaswa, tshenyego ya semoya.

312 Yena a le moprofeta wa therešo, o be a tla bona ka go rena feela tlwa se a se bonego ka go bona. Ge a ka be a eme fa mo sefaleng se lehono, gomme ke be ke tla re, “Ngwanešu Amose, moprofeta yo mogolo wa Modimo, wena wa go se fšege, etla mo gomme o tšee lefelo la ka,” o be a tla rera Lentšu le. O be a tla swanela go. Yena ke moprofeta. Go lokile. O be a tla Le rera feela tlwa ka tsela ye Le ngwadilwego, feela se re se bolelago bjale. Go lokile. O be a tla be a bona ka nako yeo se a se bonego ka go rena, go bola ga bohlaswa.

313 Nno lebelelang, bagwera. Ke ba bakae fa, ka go kereke ye bjale fa bjale, ba bonago lefase le ka go go bola ga bohlaswa?

[Phuthego e re, “Amene.”—Mor.] Gobaneng, re a tseba ke yona. Bothata ke eng? Le tlogile go Lentšu. Nnete. Go lokile.

314 Amose ga se nke a bee mmušo molato. A le a mo lemoga fa, ge le e bala ge le eya gae? Ga se nke a ke a bea mmušo molato, o beile kereke molato bakeng sa go kgetha mmušo wo mobjalo. Hum!

315 Lena boradipolitiki, a nke ke tlogele seo se šilege ka go lena nakwana, fa le go kgabaganya lefase, moo e tla fihlago. Kereke e kgethile selo se sebjalo ka Jerobeama. Ke a makala ge lena, rena, ga se ra dira e ka ba selo sa go swana? A re re ke mmušo wa go loka; mmušo ga o kgone go aga ntlo godimo ga leswika ge batho ba kgetha ntlo godimo ga lešabašaba. A o ka? Le se re, “Mmušo wa rena! Mmušo wa rena!” Ke lena, setšhaba. Ke batho. Re kgona bjang. . .

316 Modiredi o rile go nna, o rile, “Ngwanešu Branham,” o rile, “lebelela. Ke a tseba o a rereša go Seo. Eupša,” o rile, “ge nka rera Seo, kereke ya ka ya leina e tla nthagela ntle, batho ba ka ba nntšha ka kerekeng.” O rile, “Nka se tsoge ka rera thero ye nngwe.”

Ke rile, “E rere, go le bjalo.” Ee, mohlomphegi.

317 Ke Lentšu la Modimo. O ne boikarabelo. Ge o le moprofeta wa Modimo, wa therešo, o tla dula le Lentšu. Ge go se, o tla dula le kereke ya gago ya leina. Go ya le gore o tšwa kae.

318 Lebelelang. Aowa, mohlomphegi. Re ka se kgone go aga, mmušo o ka se kgone go aga ntlo godimo ga Leswika la go kgwahla ge batho ba boutela ntlo ya boipshino godimo ga kwenamohlaba.

319 Lebelelang se re se nyakago. A re no tšeang motsotso bjale. Ke a holofela ga ke le lapiše. [Phuthego e re, “Aowa.”—Mor.] Eupša a re lebelelang se re se nyakago, feela motsotso. Ga ke kgone go feta tshwayo ye, noute ye. Lebelelang se re se nyakago.

320 Lebelelang thelebišene ya rena. Seo ke se re se nyakago. Re nyaka ba bangwe ba borametlae ba go ema fale le go fana ka mehuta yohle ya metlae ya ditšhila, gomme re dula gae go se ye kopanong ya thapelo ka Laboraro bošego, goba moreri o ntšha pele ga nako gore le kgone go ya le go e bona; tše dingwe tša go šišimiša tša kgale, tša ditšhila, a nyetše makga a mahlano goba a selego, mmalegogwana, a hlaba metlae ya ditšhila, a apere go bogega thobalano, le go ya pele boka se sengwe le se sengwe. Gomme le rata seo bokaone go phala le rata ntlo ya Modimo, go laetša ke mohuta ofe wa moya o lego ka go lena.

321 Re a dumelela. Rena, batho, ge batho ba setšhaba se ba ka ngwalela mmušo mangwalo, a ke re gwa ba dimilione tše lekgolo tša mangwalo di fofela ka mmušong wola, “Emišang ona mananeo a go šišimiša,” ba swanetše go e dira. Re batho. Eupša rena, batho, re nyaka tšhišimišo, kafa seo ke se re se hwetšago.

322 Lebelelang mananeo a seyalemoya. Oo, nna! Ba fetošitše *Leswika La Mehlang* go monyokonyoko. Uh-huh. *Sefapano Sa Makgwakgwa Sa Kgale* ka go mokgelempuo, rokenerole ka yona. *Sefapano Sa Makgwakgwa Sa Kgale*, ya, kgonthe, go diyalemoya tša rena, thelebišene. Tšohle di . . . Go tšere fa, e se kgale botelele, tšona dihupu, bona basetsana ba bannyane. Se sengwe le se sengwe feela bohlaswa bjalo ka ge ba kgona go ba, seo ke se re se ratago.

323 Na e thekgwa ka mašelang ke eng? Piri, wisiki, disekerete, tšhelete ya setšhaba. Ba dira eng? Ba tšea tšhelete ya bona ya motšhelo, yeo e swanetšego go ya go mmušo bakeng sa motšhelo, gomme ba lefela bakeng sa mananeo a go šišimiša a thelebišene ba a beago pele.

324 Mapentecostal ba be ba fela ba ka se ye go tšona tša ditšhila, dipontšho tša go šišimiša tša diswantšho ge ba be ba ne dipapadi tše bjalo. Diabolo o beile e tee go lena, o beile thelebišene ka ntlong ya lena.

325 Tsela ya moprofeta wa therešo e thata gabotse, eupša a re duleng le Therešo. Ee, mohlomphegi.

326 Lebelelang dipilipote tša rena. Basadi ba eme ntle, ka disekerete ka seatleng sa bona, Isabele yo mongwe le yo mongwe yo monnyane ka nageng. Ke ile go . . .

327 Letšatši le lengwe, ke bone selo sa go tla. Go bile le mosadi yo motee yoo a tlogo godimo go sekolo ntle fale, go tšea digotlane, ge ke ile godimo go ba tšea, bao ba bego ba se ba apara para ya dišothi; gomme, go, boso bja go gatsetša. Yo mongwe le yo mongwe wa bona ka sekerete. Ka pele ge ba fihla fale le go ema, ba be ba se ne sekerete, ba se gotetša thwi ka pela, gomme, “Fše! O a bona ka fao ke dirago?” A swaretše seatla sela ka ntle ga mojako, ka mokgwa *wo*, le sekerete ka seatleng sa gagwe. Gomme o bolela se sengwe go yona, oo, ba a kokomoga. Kgonthe.

328 O bolela se sengwe go ricky goba elvis, goba yo mongwe wa bona fale, ba tla go thunya. Gomme mmušo o tla ba thekga, gobane ba no ba batšwamahlalagading. “Oo, seo se lokile. Bona, ga se ba kwešiša. Bona ke batšwamahlalagading. E hlokomologe.”

Bjale le bona se moprofeta wa therešo a se rago, tsela ya gagwe?

329 Lebelelang balori ba ba go šišimiša ba ka dikerekeng, le kereke ya bona ya leina, ba tla go thunya thwi ka mokokotlong. Selo se nnoši se ba thibelago go e dira, ke kgaogelo ya Modimo, go fihla Molaetša o fihlišitšwe ntle. Diabolo o tla le bolaya, ge a ka kgona go e dira. Nnete. Eupša Molaetša o swanetše go ya. “Nna Morena ke tla bušetša.” Yeo ke nnete. “Ke a kgona ka matlapa a go e tsoša.” Yeo ke nnete. Go lokile.

<sup>330</sup> Dipontšho tša diswantšho tša rena, dipilipote tša rena, badiradibe ba go rata boipshino ba rena ba ipitšago Bakriste bonabeng. Batho ba ba ipitšago Bakriste bonabeng; ba go rata boipshino, ba go nyaka dikganyogo. Basadi, ba apere bohlaswa; banna ba ba lebeletše, ba ba leletša molodi, ba ipitša Bakriste bonabeng, ba eya ntle. Gobaneng, ebile ba ne—ebile ba ne. . .

<sup>331</sup> Ke selo se segolo ka Florida, California, gore ba ne tlelapo ye kgolo bjale. Banna bohle ba tla mmogo gomme ba lahlela dinotlelo tša bona ka gare, gomme basadi ba ya ka gare gomme ba tšea ye nngwe ya dinotlelo go tšwa ka fale. Gomme e ka ba ke mang, o tšeela “mosadimogatša” wa gagwe gae. Ba phela beke, morago ba tla morago, ba lahlela dinotlelo, dinotlelo ka gare gape. Le a bona? Ke ditlhapo. Bana ba go tswalwa hlaba le se sengwe le se sengwe gape, kolobe e eja kolobe, mpša e eja mpša. Bothata ke eng? Ke ka gobane ba tlogetše Lentšu.

<sup>332</sup> Ga ba tsebe se maitshwarobotse a se rago. Ntle fale ka ye nnyane, a apere roko ya kgale ya go swinelela, le dilo boka tšeo, gomme banna ba ba duma, gomme ba nagana gore ba gabotse. O ka no ba o se wa dira selo sa phošo, kgaetšedi, eupša anke ke go botše se sengwe, ke wena sedirišwa sa diabolo. Gomme kua Setulong sa Kahlolo, GO RIALO MORENA, o tla arabela bakeng sa bootswa, gomme soulo ya gago e tla be e ile. O tseba bokaone. O a e tseba bjale, go le bjalo. Nnete.

<sup>333</sup> Peakanyo ya rena ka moka e senyegile le go bola. Ke batho ba rena, se ba se nyakago. Boka monna wa go loka wa ntlo, gabotse, ge monna a le wa go loka wa ntlo, a bea mmušo wa gago molato. . . Seo ke se se romelago bašemane ba rena ntle fale le go dira matlakala go tšwa go bona, nnete, ka lebaka la tshenyego ya rena beng. Ge re rata Morena le go hlankela Morena, gomme re boutetše mohuta wo mokaone wa mmušo le se sengwe le se sengwe gape, go tla ba lefelo la go makatša. Yeo ke nnete. Re ka se be le dintwa. Aowa. Modimo ke sebo le maatla a rena. Go romela bašemane ba rena ntle le go ba bolaya, le go ba gagara, le se sengwe le se sengwe gape, ke ka gobane ditiro tša rena beng di tlišitše se go direga. Modimo o boletše bjalo, ka Beibeleng, gomme ga A fetoge. O no ba wa go swana. Ke go nyaka ga batho ba geno.

<sup>334</sup> Boka monna wa go loka wa ntlo, go ka reng ge a le monna wa go loka? O nyaka go dira gabotse. O nyaka go phelela Modimo. Gomme o ne boipshino, lapa la go rata bohlaswa. Ke eng monna a yago go e dira, ge mosadi wa gagwe a nyaka go apara dišothi, le go apara diaparo tša go lebega thobalano, le go ya ntle gomme a itshwara boka Isabele, barwedi ba gagwe le bohle digotlane tša gagwe, le bohle ba bona? Papagwe. . . Mošemane wa gagwe yo monnyane o mo godišitše, le go mo rata, le go mo phaphatha le go mo atla, le go mmea ka malaong, le go mo rapelela, a emelela, a re, “Mokgalabje wa ka o a gafa. Tšohle a naganago ka tšona ke Beibele.” Ke eng monna yola a ka e dirago ka lapa la gagwe?

335 Seo ke selo sa go swana ka mmušo wa rena, mabapi le batho ba wona fa. Le se beeng mmušo molato. Beang sehlopha se sa dikereke tša go kgeloga, bakeng sa go bea dilo tše dibjalo ka go dipolitiki tša bona, bjalo ka ge ba na le. Ba a o nyaka. Ke lebaka leo ba o boutelago, gomme ke lebaka leo ba nago le ona. Gomme ke lebaka leo kahlolo ya Modimo e le godimo ga bona. Gomme ba ya go buna se ba se bjetšego. Ba a bjala bjale, gomme ba ya go buna moragorago. Šetšang. Oo! Re pharilwe ka bogaswi. Oo, ya.

336 Re leka go reka tsela ya rena ka go Russia. Re leka go reka tsela ya rena le bokomonisi. Re leka go. Gobaneng, tšhelete, o ka se kgone go reka dimpho tše tša Modimo. Go bile le mothaka, Simone, o lekile go e dira letšatši le lengwe, gomme Petro o rile, “O hwe le tšhelete ya gago.” Re bapala karolo ya Simone wa moloi, a leka go reka mpho ya Modimo.

337 Etlang morago go Lentšu. Etlang morago go Modimo. Etlang morago go Kriste. Gona le se tshwenyegeng ka bokomonisi. Re tla boutela monna wa nnete. Re tla ba le monna yo mongwe boka Abraham Lincoln, George Washington, yo mongwe yoo e lego monna wa kgonthe. Le se beeng mmušo wola godimo fale molato. A re ipeeng molato renabeng. Seo ke se Amose a tla se bolelago. Gomme seo ke se moprofeta e ka ba ofe wa Modimo a tla se bolelago, ge a tseba Lentšu la Modimo. Ge a le moprofeta wa therešo, o—o tseba Lentšu, gobane Le tla go yena.

338 Israele, ka go segwera sa bona le—le lenaba la bona le dirilwego. Sa pele, ba be ba swanetše go tloga kgole le Lentšu la Modimo, pele ba ka kgona go dira segwera le lenaba la bona.

339 Gomme pele re ka kgona go tsoge re dira segwera le manaba a rena le dilo, re swanetše go tloga kgole le Lentšu la Modimo. Uh-huh. Go swana bjale, go dumelela Roma e etapele. Gobaneng, re a e dira, nako yohle. O tšere mmušo. O tšea mafelo. O tšere batho. Bjale o tšea dikereke.

340 Re dira eng? Re dutše tuu, re dumelelana le bona. “Oo, ga go dire phapano ge eba ke tsela *ye* goba tsela *yela*. Yohle ke Modimo, go le bjalo.” Lena ba go šokiša, ba madimabe, ba go bitšwa baprofeta ba go kgeloga. Bothata ke eng ka lena? Ga ba tsebe Lentšu ka ga Modimo le dilo tše. Ga ba ithute Lentšu. Ga ba lemoge. Ba re bokomonisi bo ya go thopa lefase. Aowa, ga se yona.

341 Boroma bo ya go tšea lefase, gomme bo dira ka tlase ga leina la Bokriste. A Beibele ga se, Jesu o re, “E tla ba kgauswi kudu, go fihla e tla fora bona Bakgethiwa, ge go kgonega?”

342 Se re se hlokago lehono . . . Anke ke tswalele, go boleleng se. Bjale ke ya go tswalele. Se re se hlokago lehono ke moprofeta yo mongwe wa therešo. Amene. Re hloka monna bakeng sa Lentšu la Modimo go tla go yena. Ee, ngwanešu. O tla ganwa le go ntšhetšwa ntle, le go lahlelwa ntle, eupša ka kgonthe o tla nyebula molete. Yena, o . . . Ya, uh-huh. Ka kgonthe o tla lahlele

Dipeu tše bjalo go fihla Bakgethiwa ba tla E hwetša. Uh-huh. Yeo ke nnete. Re hloka moprofeta. Re hloka monna yoo tlhathollo ya nnete ya Lentšu e tlogo go yena, yoo Modimo a bolelago ka yena le go hlatsela Lentšu, go Le dira therešo. Seo ke se re se hlokago. Gomme, ngwanešu, re tshepišitšwe yo motee, go ya ka Maleaki 4, “Go bušetša.” Eng? “Tumelo ya batho, morago go Beibele.” Re tshepišitšwe yo motee. O tla e dira.

<sup>343</sup> Amose o tsebile. Ee, mohlomphegi. Amose o tsebile, Israele, baratiwa ba gagwe ba go hloka modimo ka pejana ba tla ba fediša.

<sup>344</sup> Gomme baratiwa ba bona ba go hloka modimo lehono ka pejana ba tla ba fediša, tšona dithutotumelo tša kereke ya leina le dilo tšeo ba itlemilego bonabeng ka go tšona. Lena Mapentecostal, ke selo seo se yago go le fediša, thutotumelo ya lena le kereke ya leina. Le itlema lenabeng thwi godimo mošola, le tšea leswao la sebata, gomme ebile ga le e tsebe, le e gogela thwi godimo ga mahlo a lena. Kgonthe. Ke go ngala. Ke eng le lekago go e dira? “Le ba se, goba ga le ba selo.” Le a bona? Lena nno letang, nno hwetšang gannyane, feela gannyane nthatana boteletšana. Gona, le re, “Ke tla tšwa go yona nako yeo.” Aowa, o ka se ke. O šetše o le ka go yona. O šetše o swailwe. O swerwe ka leswao go wena.

<sup>345</sup> Ga go tshwenye, Esau o llile gabohloko, ge a tsebile bokaone. Eupša o llile gabohloko, a leka go hwetša lefelo go sokologa, gomme a se kgone go le hwetša. O tla dula fale nako yeo. Bjale ke nako go tšhaba.

<sup>346</sup> Amose o tsebile gore baratiwa ba bona ba go hloka modimo ka pejana ba tlo mo fediša, ka gore bona, kereke, ba tlogetše Yena, Modimo le Lentšu la Gagwe, tsela ya Bophelo. Ba tlogile kgole le tsela ya Bophelo ya Modimo, gomme ba dirile ya bona beng. Oo, Lentšu le be le le lepheko go bona.

<sup>347</sup> Gomme Ke selo sa go swana lehono. Lentšu la Modimo ke lepheko go ba ba bitšwago Bakriste. Mmotše ka kolobetšo ya meetse ka Leina la Jesu Kriste. Mmotše ka Modimo yo mokgethwa. Seo se tla dira . . .

Gomme, gabotse, ba re, “Gabotse, re ne Moya wo Mokgethwa.”

<sup>348</sup> Gona gobaneng o sa apara moriri wa go kotwa? Gobaneng o kolobetša ka leina la “Tate, Morwa, Moya wo Mokgethwa”? Gobaneng o sa dumela go dilo tše dingwe tšeo o di dumelago, le go dira ka tsela ye o dirago? Go a bontšha. Dikenywa tša gago di a e netefatša. Jesu o rile, “Ka dikenywa tša bona, le a ba tseba.” Ya. Le a bona? Seo se no laetša, o bolela ka se sengwe o sa tsebe go selo ka sona. Ee, mohlomphegi. Ee.

<sup>349</sup> Ge Amose a be a le fa, o be a tla goelela kgahlanong le ditshepedišo tša bona. Le tseba seo?



350 Bjale ke ya go bala temana e tee pele ke tswalela, temana ya 8 ya tema ya 3. Gomme a re baleng.

*Tau e rorile, ke mang a ka se boifego? Morena . . . o boletše, ke mang eupša a ka profetago?*

351 Theetšang. Go tswaleleng bjale, ke nyaka go bolela se. Ke maswabi go le swarelela, thari seripa sa iri. Eupša, lebelelang. Ke nyaka go bolela se. Ke nna motsomi. Ke a tsoma. Ke thakgetše Modimo o mpha se sengwe boka seo.

352 Letšatši le lengwe ge sethunya se thuntše, ke ile thwi morago tlase, go bona ge eba nka thunya gape. Ga ke e nyake go ntšhoša. Ge ke bile le matlhekge, ntle ka tseleng, nka se lese go otlela koloi. Ge nka sepela go kgabola lebato gomme ka thetša monwana wa ka go khapete, gomme ka ya go kgabola lefastere, nka se lese go sepela. Le a bona? Aowa, aowa. Modimo mphe boikatišo bja go hlweka. Yoo e bile Sathane. Yoo ga se ebe Modimo. Le a bona? Yola e bile Sathane.

353 Bjale, ke tseba tirišo ya semoya go yona. Go ne ba bararo ba rena ka kamoreng ye gonabjale, bao ba tsebago se e lego. Gomme e tla emiša moriri hlogong ya lena, eupša nka se botše motho. Le a bona? Feela batho ba bararo ba, bakeng sa tiišetšo. Bjale, go lokile. Yohle e . . . Modimo o tsebile yohle ka ga yona, gomme a e sebotšapele, le se sengwe le se sengwe gape. Gomme re a e tseba. E be e le bošaedi bja ka seripa, gomme ke bile le se sengwe.

354 Ke—ke emetše monna legato nako ye nngwe, mola ke be ke sa swanela go emela legato. Nka be ke no šikinya sebeti go tšwa go yena. Le a bona? Sebakeng sa go e dira, ke ile ka swanela go e lefelela. Kafao, gona, kafao rena . . . Seo se lokile. Ke nna, gomme e swaretšwe bjale. Gomme re tla ya pele. Le a bona? Ee.

Amose, temana ye ya 8, “Ge tau e rora ke mang a ka se boifego?”

355 Ke tsomile ka masoding a Afrika. Ke bile tikologong moo ditau di bego di le. Ke yena kgoši ya diphoofole. Ke letše ntle ka masoding nakong ya bošego le go kwa mengau le diphiri, tša go sega le go ngautša, le—le di—le diphoofole tša go fapana. Gomme gona tše dingwe tša tšona diphiri di tla dira, go no tšitšibanya madi a gago ge di goelela. Gomme fale le mapogo, le go tswinya, le se sengwe le se sengwe gape, le dikhunkhwane, le dikgabo, le ditšhwene, le dikete atiša ka dikete, “go tswinya, go ngwautša.” O sepela mogohle, o kgona go kwa mehuta yohle ya dilo di eya pele. Eupša anke tau e rora, dikhunkhwane ebile di tla homola. Ke setu sa lehu. Di a homola. Eng? Kgoši ya tšona e boletše. Amene.

356 “Ge tau e rora, ke mang a ka se boifego? Ge Modimo a bolela, ke mang a ka tlogelago go profeta?” Ge Modimo a bolela, moprofeta o a goelela. Le tseba se ke se rago? [Phuthego e re, “Amene.”—Mor.] Moprofeta wa therešo o a goelela. Bagwera, O

boletše. Gona, anke sehopša se sengwe le se sengwe sa Mmušo wa Gagwe se ele šedi se A se boletšego.

<sup>357</sup> Ge tau e ka lemoga gore go ne se sengwe sa phošo, ge e rora, se sengwe le se sengwe sa mmušo wa gagwe se a homola. Ba a theetša. Ebile le dikhunkhwane tše dinnyane, efela, o ka go mmušo wa tau yela. Go ngautša mola ga go tširušo madi ga phiri, e a homola. Tlou yela fale, yeo e ka kgonago go rwala tau, gomme ya mo dikološa ka ya yona, “Wee! Wee!” Gomme anke tau e rora, o tla homola le go šišimala. Anke nare kapa, ye e ka go šutša, e bogega boka mollo o butšweditšwego nkong ya gagwe. Ge tau e mo tabogela, ebile e ka se mo gobatše. Anke tšhukudu, ka sebetša sa gagwe sa ditone tše šupago, a mo hlabe, le lenaka la gagwe le letelele. Anke tau e rora, o ema mo a lego. Bothata ke eng? Kgoši ya gagwe e boletše. Le a bona? O nyaka go kwa se se yago go bolelwa.

<sup>358</sup> Gomme ge Modimo a bolela, moprofeta o a goeleta. Gomme gona anke Mmušo wa Gagwe o ele šedi go se a se bolelago. Modimo o boletše. Anke sehopša se sengwe le se sengwe sa Mmušo wa Gagwe se theetše se A se bolelago.


A re rapeleng.

<sup>359</sup> O Tau ya leloko la Juda, tsoga gomme o rora! Wena o a rora mo letšatšing le la mafelelo. Mahlo a gago a a sesefala. O lebeletše tlase. O bona sebe sa se se bitšwago setšhaba le lefase la Bokriste. O bona sebe sa setšhaba se, mola se rekilwe ka Madi a bohlokwa. O bona ka fao dikereke tša maina di phitsago ka godimo ga Lentšu la Gago. O bona ka fao baprofeta ba maaka ba aketšago. Therešo ya Modimo ba a e gana.

<sup>360</sup> Rora, O Tau ya Juda! Anke baprofeta ba Gago ba goeletše. “Ge Modimo a bolela, ke mang a ka lesago go profeta?” Ke Lentšu la Modimo le etšwa go Beibele, le rotogela godimo ka moprofeta. A ka kgona bjang go homola? Ge a ka dira, o tla rathagana ka diripa. O Modimo, anke moprofeta wa Gago a rora, Morena. Rorela ntle Molaetša wa Gago, Modimo, gomme anke sehopša se sengwe le se sengwe sa Mmušo wa Gago se ele šedi.

<sup>361</sup> Anke ba eme. Anke basadi ba eme gomme ba itlhahlobe bonabeng. Anke banna ba eme gomme ba itlhahlobe bonabeng. Anke moreri yo mongwe le yo mongwe yoo a theetšago theipi ye, a eme gomme a itlhahlobe yenamong, ka gore Tau ya leloko la Juda e a rora. Gomme Lentšu la therešo le tla go baprofeta, le bolela, le goeletša ntle, “Sokologang gomme le retologeleng morago pele go eba thari kudu.”

<sup>362</sup> Modimo, ke gafela Molaetša, go theipi le go batheeletši ba ba bonalago ba, go Wena mosong wo, bakeng sa go tshepa O tla O letlella. Gomme bitša morwa le morwedi yo mongwe le yo mongwe wa Modimo, yoo a lego ka tlase. . . yoo a ka tsogego a kwa theipi ye, goba ka tlase ga modumo wa segalontšu, ba tla ba morago go tshokologo pele go e ba thari kudu.

<sup>363</sup> Gomme ke a dumela, Morena, ge O ka romela Amose fa, o tla goelela selo sa go swana. Ka gore a ka se goelele. . . Eupša ge a le moprofeta wa Morena, ke yena moromelapele wa Lentšu. O rometšwe pele ke Lentšu, ka Lentšu, gomme ke yena Lentšu. Bjale, Morena, anke e dirwe, ka Leina la Jesu Kriste. Amene. 

*TSELA YA MOPROFETA WA THEREŠO WA MODIMO* NST62-0513M  
(The Way Of A True Prophet Of God)

Molaetša wo ka Ngwanešu William Marrion Branham, setlogong o abilwe ka Seisimane mosong wa Lamorena, Mei 13, 1962, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho tlhathollo e ngwadilwe gomme ya phatlalatšwa ke Voice Of God Recordings.

NORTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)